

261

ITER FVL DENSE
ILLVSTRISSIMI AC REVERENDISSIMI
PETRI ALOYSII
CARAE

Episcopi Tricaricensis, atque
Apostolici Nuncij,

IN QVO

*Periocha Historia, Visitatio, & Reforma-
tio Celeberrima Abbatia S. Salua-
toris Ciuitatis Fuldenfis
continetur.*


CÆLIVS SERVILIVS
Perillustri Domino ROBERTO
CANONICO Patritio Fer-
rariensi dicat.



LEODII,
Typis Ioannis Ouwerx, Sub S. IGNATIO,

M. DC. XXVII.

SUPERIORVM PERMISSV.





PERILLVSTRI DOMINO
ROBERTO CANONICO

Patritio Ferrariensi

CÆLIVS SERVILIVS.

E Paternâ domo, incertum *Astris ad-*
uersis an propitiis, *Aula tamquam A-*
lea datus statui, ut non penitus operam lu-
derem, Hero meo non in *vsibus* vita neces-
sariis modò, sed in studiis quoque atque af-
fectibus famulari. Mecum verò fortunatè
agi visum est, qui potuerim apud Illustri-
simum PETRVM ALOYSIVM
CARAFAM ponere jura famulatûs mei,
hoc est apud Virum Principem, qui rarâ
utique laude nihil didicit amare, nisi aut
Virtutem ipsam, aut quos nouerit à Virtute

A 2

omni-

omnibus commendari. Eius ergo perstudioso huic animo aduersus D^m. V^{am}. obsequi, & in ipsam velut famulatio ferri diu equidem optavi: sed quia ultra triennium iam detinet me absentem nescio qua vis diffusa ex vertice Caliglaciali, tametsi me decisum ex magnete aliquo lapide non plane credam: ad D^m. V^{am}. ferar saltem Itinere scripto, quod ei iam dedico. In hoc fortasse cum voluptate, aut certe absque fatigatione vestigia nostra releget: qua si aliquando Italiam repetent, sistant me imprimis D^r. V^a. famulum; sicut ei me iam offero, & precor, ut sit diu sospes, & diu felix. Leodij IX. Sept. M. D C. XXVII.

ITER

26-

ITER FULDENSE
Illustrissimi, ac Reuerendissimi
PETRI ALOYSII
CARAFÆ

*Episcopi Tricaricensis, atque
Apostolici Nuncij.*

Nobilissima Fuldensium Religiosorum Familia, seculis non ita paucis, in Buchoniâ opibus iuxta & sanctitate floruerat; cùm Lutheri tempore, velut grauis anni percussâ intemperie, languere primùm, dein marcescere, desciscereque à priscâ Maiorum gloriâ cœpit. Etenim impij Desertoris probrosa Nuptiæ, & sacrilegio initum connubium, dote locupletissimâ vitiorum, hoc imprimis Ecclesiæ malum peperere; nempè exemplum sceleris & nefarij thori, vel certè promiscui luxûs, atque licentiæ cum Religionum habitu; si qui hunc nō penitus abijcerent, quemadmodum egerat ipse, cùm homo liberaliter nequam factus est ex Monacho Maritus. Itaque Fuldenses Monachi etiam ipsi paulatim deserere tristes vitæ seuerioris vias, quibus tamen ad gaudia securi gradimur; sectari verò amœna, quæque à disciplinæ legibus sensim, sed improbè animum exsoluunt; neque conscientiæ ampliùs, aut saltem famæ consulere. Ex quo non moribus modò, verùm Aedibus quoque durante eò neglectu collapsis, numeroque Religiosorum adeò imminuto, vt paucorum capitum in Familia Fuldensi census haberetur, & ijs nihilominus ad licentiæ annonam ampli redditus, & prædia opulenta non sufficerent; Antistites plurimi restituere rem conati fuerunt: sed quæ semel irrepererat morû li-

ITER FVL DENSE

bertas, legis nō iam patiēs, facilē iugū excussit. Fermē ab ipsis exordijs huius deprauationis, Anno Millesimo Quingentesimo Quadragesimo Octauo, Philippus Schenck à Schweinberg, qui tū erat Abbatīæ supremus Præfēs, corripere suos aggressus, ac resides eos, & paterna monita coaspernātes expertus, tametsi nihil impetrārit, saltem gloriosi conatūs exemplum Successoribus reliquit. Anno Millesimo Quingentesimo Septuagesimo Secundo, & deinceps Balthasar à Dermbach, sentiens utique stimulos ad id vnā cum Religioso Principatu subdī animis Antistitum, quādo à re priuata deuocantur ad regimen; excelso vir animo, & immortalis recordationis, reparare Abbatīæ luctuosas, & propē vltimas ruinas institit quidem ipse constanter; sed ei pariter felicitas defuit. Siquidem Nobiles Patriæ maiorem partem Hæretici, & cum ijs Religiosorum Primi, conspiratione factā, solum vertere, & Principatu excedere ipsum indignissimē perpulere. Tolerauit proinde, annos ampliūs viginti quatuor, exilij durā necessitatem nunquam imminutā constantiā, & demum superstes ærumnis, à RO DOLPHO II. Cæsare restitutus, fecisset serō etiā cum laude, quod satis maturē destinauerat pridem; nisi vitā concedere, non ita multō pōst, annorum peræquē ac meritorum numero benē cumulatus senex debuisset. Denique Ioannes Bernardus Schenck à Schweinberg tertius ab illo Fuldensium Antistes, paribus studijs Principatum indeptus, quo in præsentiā potitur, statim ab iniso eo cogitationes has concipiens, eas pectore Patris diu fouit. A Summis verō Pontificibus, GREGORIO primū Quintodecimo, dein VRBANO Octauo paternē stimulat, vt Monasteria, quibus præerat, omni opē adniteretur repurgare; has de multis Pontificias litteras in eam rem datas Vigesima Septimā Iunij, Anni Millefimi Sexcentefimi Vigefimi Quarti, accepit.

VRBA-

VRBANVS PP. VIII.

Dilecte Fili Salutem, & Apostolicam benedictionem.

Militares copia robora Reipublica, & tranquillitatis præsidia sunt, si eas iustitia & pudor in officio continueat. At enim ubi licentiam pro modestiâ vsurpant, exitiosa sunt ciuibus multò magis, quàm hostes. Contra hos enim & distringuntur gladij, & aggeres extruuntur; ille verò in visceribus Ciuitatis hærent; & cum ea asiduè laniant, publicis etiam stipendijs aluntur. Tanta vis inest disciplinæ, ut eâ neglectâ ad perniciem conuertantur, quæ parata erant ad tutelam. Id autem si cauendum est in bellicis legionibus, non est certè in monasticis Sodalitij negligendum. Religiosa enim familia militaria sunt Cæli: quæ lorica fidei, & gladio charitatis armata, debent Inferiorum hostium conatus exterrere, & animarum incolunitatem tueri. Fæsi pro labore desidiam, pro abstinentia luxuriam, pro seueritate delicias sectentur: periculum est ne earum praua exempla fiant arma iniquitatis, quibus Diabolus abutatur ad debellandas animas, & Religionem oppugnandam. Vtinam rard tam graua Catholici nominis damna, & dedecora lamentari cogermur. Angimur enim, suprà quàm dici potest, ubi desertores heretici, Monasteria mordacibus facetijs eludunt, eaque, quæ esse debent domicilia virtutum, & castra penitentia, diuersorium nequitia, & inertia asylum per ludibrium appellant. Hac dum reminiscimur, vescimur pane lacrymarum, cogitantes ministerium Christi aliquando dedecorari in filijs nostris. De tanto crimine ne ad tremendum æterni Iudicis tribunal, Fuldensium Monachorum nomen deferri possit, pertinet præcipuè ad officium tuum. Accepimus istuc contemptum monastica institutionis, & licentiâ dulcescens irrepisse. Cogita quid à te ille tot sacramentis familiarum Principis Benedictus exigat. Insuere illum è Cælo

sibi

tibi imperantem, ne monasticam disciplinam istic corrumpi diutius patiare. Nullæ te difficultates reinorentur, nulla querela extorqueant. Aegrotantes etiam inuitos, etiam Medico minitantes curamus; qui tamen ubi conualuerunt, minarum voces vertunt in gratiarum actiones. Abbatiâ istam, Apostolicæ Sedis immediatè subiectam, tantâ charitatè complectimur, ut eam ad præcipuas Pontificatus nostri curæ pertinere velimus. Proin visum est Apostolicis litteris excitare diligentiam tuam, ut Emendator morum, & Restitutor disciplina quamprimum istic nuncuperis. Quæ cognomenta etsi aliquam, tibi rem tantam incipienti, constare possent inuidiam, fient tamen postea vincula mutua charitatis, & Pontificia sollicitudinis solatia. Ad id cum te hortemur, Spiritus Sancti gratiam accuratissimis precibus tibi flagitabimus; Cui Apostolicam benedictionem peramanter impartimur. Datum Romæ apud Sanctam Mariam Maiorem sub Annulo Piscatoris, &c. Pont. Nostri Anno primo.

Adhortatione tam graui mirificè auctus animo pius Antistes, tametsi verbis Pontificiæ Majestatis incensus peregre gressu sibi videretur, habuit adhuc à FERDINANDO Secundo Cæsare noua suæ incitamenta pietatis. Is enim uti semper intra Imperij fines Castra quoque Religiosorum disciplinam retinere, & iuuare votis sacrificijsque Castra Bellatorum ad victorias ad triumphos peroptauit; quod factum semper est, ut impietatem euentis secundissimis profligârît; litteras Tertiadecimâ Martij Die, Anni Millesimi Sexcentissimi Vigessimi Quinti ad eundem Antistitem IOANNEM BERNARDVM Viennâ dedit, & conscium se litterarum Pontificiarum disferens, ei patrocinium omne, causâ restituendi mores antiquos in Familiâ Fuldensi, spõte pollicitus est, futurus quoq; ab hac parte; & in ijs conatibus Cæsar. Sic pro Viris ipse. LEONORA item Imperatrix Archicancellario suo IOANNI BERNARDO Abbati Fuldensi, è cuius manu Diuæ Augustæ Diademâ capit, pro altero sexu tutelam spondidit, atque pro Sacrarum Virginum cœtu; quod in Claustris Fuldæ deinceps agent,

PETRI ALOYSII CARAFÆ.

agent, septa Cænobij noua extrui flagitauit. Et verò his patrocinijs satis ipse animadnertit, pro opere strenuè obeûdo, suam conscientiam tegi, ac propemodû coronari. Proin instructus item nouo Pontificio Breui, quo VERBANA S VIII. potestatem ei Monasteria sua reformandi tribuebat, pœnis propositis aduersus eos, qui hæc molienti obniti contrà non verecundarêtur; nihil habuit prius aut potius, quàm vt optimorum Religiosorum aliunde coloniam peteret, cum quibus Fuldam Dei cultus, & mores probi redirêt. Placuit verò ex vno loco, quàm ex diuersis Cænobijs eos accersere; ne dissimiles, & educatos non in vnīs Aedibus turbaret (vti sit) animorum vel leuis aliqua dissensio. Delectui habendo non oportuit multum temporis dari; dum obuersaretur animo famaqué, & odor vitæ, ac disciplinæ, quo clarissimum in Heluetijs Cænobium S. Galli, latè Germaniam totam peruasit. Expeditione itaque susceptâ, & paucis adlectis comitibus, qui secreti consilij participes erant, eò contulit se nullâ Principis pompâ, quippe cùm in viâ se Principem cælaret, & has cogitationes pro solatio itineris animo ferens, exceptus perhonorificè à BERNARDO Sancti Galli Abbate, & S. R. I. Principe fuit. A quo in digressu Religiosos Profef-fos septem, & Tyrones decem quos Fuldam adueheret, impetrauit nihil in Antistite illo deprehendens, siue quid in rem præsentem ageret, siue consilia & monita diuideret, quod venerandam senectutem eius non magnoperè deceret. Tanto igitur præsidio rebus Fuldensium ex Heluetiorum oris adducto, IOANNES BERNARDVS in Patriam vbi remigrauit, copiosam aliquam Religiosorum coëgisse sibi videbatur, ex quibus mēritò plurimum esset sperandâ successio: cùm minimè sterilis sit Virtus, quādo accuratè custodit suæ sinum fœcunditatis, & quando non desunt obstetrices manus, quæ puerperio eius opitulentur. Sed opus difficilior est malè genitos, malè educatos quasi vtero restituere, atque vt

B

vno

vno verbo dicam, reformare; quia non facile fert Religio-
nis infantiam, & disciplinæ pueritiam primam adulta mo-
rum seu licentia, seu libertas. Idcirco initia Reformationi
ponēs IOHANNES BERNARDVS ABBAS sensit operis ardui
molem & ingemuit: Figulo enim, vasa omnia *in honorem* for-
mare cupienti, restiterunt ex eis aliqua; perinde ac si in *cōtu-
meliā* esse præoptarent. Sed vt nihilominus spiritus Religio-
sæ Professionis in eis, hoc est *Thesaurus in vasis fictilibus* cu-
stodiretur, ratus tentanda omnia pius Antistes; & planè de-
prehendit, quæ viribus nostris desunt, affatim ea supplere
tempore apto Deum lege immutabili prouidentie suæ. Dis-
posuit quippe, vt interim VRBANVS VIII. cui Vicariam
procuracionem Orbis dedit, PLETRVM ALOYSIVM
CARAFAM Episcopum Tricaricensem, & ad tractum Rhe-
ni, finitimasque Germaniæ partes Legatum suum Fuldam
pro potestate destinaret: quò ipse ibi Visitationem Aposto-
licam institueret, & inchoatæ Reformationis progressus
strenuè iuxta suauiterque proucheret. Itaque verò habet Sum-
mus Pontifex in litteris.

VRBANVS PAPA VIII.

Venerabilis Frater, Salutem, & Apo-
stolicam benedictionem.

Cupientes vt in Monasterio Fuldensi Ordinis S. Benedicti Eccle-
siastica Regularisq; disciplina, vbi collapsa est, restitatur, &
vbi conseruata est, constantius perseueret, Motu proprio, non ad ali-
cuius Nobis super hoc oblata petitionis instantiam; sed ex certa
scientia, ac matura deliberatione Nostris, deq; Apostolica pote-
statis plenitudine, Fraternalitati tuæ, de cuius integritate fide pru-
dentia, ac Catholica Religionis zelo, plurimum in Domino confidi-

mus; per presentes committimus, & mandamus, vt tanquam Noster,
 & Sedis Apostolica Delegatus Monasterium prædictum, tam in ca-
 pite, quàm in membris semel tantum auctoritate Nostrâ visites &
 reformes, ac in eorum statum, consuetudines, vitam, mores, ritus,
 & disciplinam tam coniunctim, quàm diuissim diligenter inquiras:
 nec non Euangelica, & Apostolica doctrina, sacrorumq; Canonum,
 & generalium Conciliorum, & præsertim Tridentini decretis, ac
 SS. Patrum traditionibus, Regularibusq; Monasterij, & Ordinis
 prædictorum institutis, Apostolicâ auctoritate confirmatis iuberendo,
 quacunque mutatione, correctione, emendatione, reuocatione,
 ac etiam ex integro editione indigere cognoueris, reformes, mutes,
 corrigas, ac etiam de nouo condas; condita sacris Canonibus, &
 Concilij Tridentini decretis, institutisq; prædictis non repugnantia
 confirmes; abusus quoscunque tollas; bonas & laudabiles institu-
 tiones, ac imprimis Diuinum cultum, monasticamq; disciplinam,
 & obseruantiam regulares, vbicumque exciderint, modis congruis
 restituas. Si aliquos in aliquo delinquentes reperiueris, eos iuxta
 Canonicas sanctiones, & regularia instituta, huiusmodi punias &
 castiges: Contradiçtores quoslibet, & rebelles, eisq; auxilium, con-
 silium, vel fauorem quomodolibet præstantes, per Censuras, & pœ-
 nas Ecclesiasticas, aliaq; opportuna iuris, & facti remedia cogas, &
 compellas, aliaq; in præmissis, & circa ea necessaria, seu quomodo-
 libet opportuna facias, dicas, geras, & exequaris. Super quibus om-
 nibus, & singulis, plenam, liberam, & amplam tibi facultatem,
 Apostolicâ auctoritate, tenore præsentium concedimus, & imparti-
 mur. Mandantes propterea Dilectis filiis eiusdem Monasterij Ab-
 bati, alijsq; Superioribus quocunque nomine nuncupatis, nec non
 Monachis, & alijs omnibus, & singulis ad quos spectat, vt tibi in
 præmissis omnibus promptè pareant, & obediant: tuaq; salubria
 monita, & mandata humiliter suscipiant, & efficaciter adimplere
 procurent; alioqui sententiam, siue pœnam quamritè tuleris, seu
 statueris in rebelles, ratam habebimus, & faciemus, auctore Do-
 mino, vsque ad satisfactionem condignam inuiolabiliter obseruari.

Volumus autem, ut si quæ grauiora in huiusmodi visitatione repereris, illa, nec non informationes omnes desuper sumendæ, sub tuo sigillo clausas ad Nos quamprimum diligenter transmittas, ut quod in illis statuendum sit, maturâ consultatione adhibita decernamus; non obstantibus Constitutionibus, & ordinationibus Apostolicis, nec non quatenus opus sit Monasterij & Ordinis prædictorum, etiam iuramento, confirmatione Apostolicâ, vel quâvis firmitate aliâ roboratis, statutis, & consuetudinibus, privilegijs quoque, indultis, & litteris Apostolicis Monasterio, & Ordini huiusmodi, illiusq; Abbati, superioribus, & alijs prædictis sub quibuscumque tenoribus & formis, ac cum quibusvis clausulis, & decretis, in contrarium præmissorum quomodolibet concessis, confirmatis, & inuocatis: quibus omnibus & singulis illorum omnium tenores præsentibus, pro expressis habentes, illis alias in suo robore permansuris, hæc vice dumtaxat specialiter, & expresse defogamus, cæterisq; contrarijs quibuscumque. Datum Roma apud Sanctam Mariam Maiorem sub Annulo Piscatoris die XV. Maij M. DC. XXVII. Pontificatus Nostri Anno quarto.

Litteris Pontificijs Legato redditis, & de imminente aduentu eius Fuldenſi Antistite per epistolam properè commonito; ille quæ ad iter, is verò quæ ad hospitium apparare statim: sed vterque sollicitudinem hanc miscere gaudio, & quasi temperare, quòd operi sancto admouere manum, & iuuare alterutrum liceret. Denunciata professione dies fuit decima nona Iunij. Quare ubi perlitatum Aris, & dictæ Preces, quæ viatoribus à Deo secunda poscūt, Illustrissimus PETRVS ALOYSIVS CARAFA, cum paucis è familia Visetum nauigio iturus, & ad ripâ cæteris adequitare iussis Leodio soluit, comitantibus eò Canonicis aliquot Ecclesiæ Primariæ Sancti Lamberti, & alijs honoris atque animi causâ: inter quos Franciscus Oranus item Cleri Visetensis Abbas, hospitio & cænâ prælautâ eum excepit. Mane cuncti ad primam lucem insederamus equos; atque ita ubi Amicis, qui

qui illò nos deduxerant, Illustrissimus vale dixit, perrexi-
 mus Iuliacum. Ibi antemissos Equites reperimus ex Cohor-
 te Regiæ Marij Capecij Neapolitani, qui Illustrissimi latus
 per ea loca intuta tegerent: & postera die in vestibulo ipso
 nemoris, in quo Prædonum, & hostium Batauorum frequens
 est nidus, tota Cohors nos opperiebatur buccinâ perstrepē-
 te, atque assultantibus in gyrum equis. Aduentantem Illu-
 strissimum Vexillifer salutauit, ac pòst bipartita Cohors nos
 medios complexa, in Berchem deduxit, vbi statio eis inte-
 rim, dum à prælijs feriantur. Marius Capecius Dux fortè
 aberat, Bruxellis degens apud Serenissimam Principem; sed
 qui eius vice toti Turmæ præerat Thomas Ferrara, ob-
 uius Illustrissimo extra oppidum venit, tractauitque insu-
 per prandio, quod duram Militum conditionem minimè
 referebat, & tantum à Militibus esse indicabat tubis, quas
 Tubicines perpetuò super mensam inflabant. Idem eques
 fuit quoque pomeridianus comes itineris ferè Coloniàm
 vsque; liberaliterque eo dimisso statim adfuit Rheda Il-
 lustrissimi Principis FRANCISCI A LOTHARINGIA
 Episcopi Verdunensis, ac supremi Decani Cathedralis Ec-
 clesiæ Colonienfis: quâ in Ciuitatem inducti, atque in in-
 gressu Militum explosione consalutati, diem insequentem
 quieuius. Negotiosa tamen omnibus ea quies fuit; nam
 Legatus admittere Amicorum Colonensium officia, in-
 terque ea donum Vini Senatorij à Consulibus datum: in
 causis quoque ius dicere, inuisentibus Illustrissimis Decano,
 & Canonicis primarijs spatium sermonis dare. Ante omnia
 verò Ioannem Baptistam de Ninis Perusinum Protonota-
 rium Apostolicum atque Auditore suum Bonnam ad Sere-
 nissimum FERDINANDVM Archiepiscopum atque Ele-
 ctore misit, qui ei ex propinquo loco memoraret, offerretq;
 pristinam obseruantiam, atque insuper Illustrissimum Epif-
 scopum ac Principem Osnaburgensem IOANNEM FRAN-

CISCVM Comitum à VVartemberg salutaret. Cæteri ex Familia Nauim ornare, quâ Rheno aduerso Moguntiam, & inde aduerso item Mœno Francofurtum ascendere-
tur, atque in eam cibaria & necessarium comæatum im-
portare. Sub vesperam huius diei Auditor Bonnâ redijt
cum Vno, qui Serenissimo Electori ab intimis Consi-
lijs, postquam eius nomine Illustrissimum Nuncium Bon-
nam inuitasset, cum eodem negotium graue pertractauit.
Alterâ die non multò post Auroram Familia naui anteces-
sit: sed nauigatione lentâ & perdifficili, propter vim aqua-
rum, quâ se imbres perennes, viciniq; Amnes ac riui mino-
res in Rhenum exonerabant. At Illustrissimus Nuncius,
postquam Abbates tres Ordinis Sancti Benedicti antemeridi-
anis horis audiuiſſet, spectatâ noui Templi structurâ,
quod Serenissimus Elector MAXIMILIANVS BAVARVS
in Ciuitate Colontési magnificentissimè Patribus Societatis
IESV ad fastigium vsque iam exædificauit, Rhedâ Serenif-
simi Archiepiscopi Bónam vectus est. In Pago propè ad viæ
marginem sito Milites eiusdem, qui propter aduentum Le-
gati, & securitatem illius, in agrum Bonnensẽ excurrerant,
duodecim equites Prædones exarmabant, & captiuos age-
bant eodem vestigio temporis, quo is illuc aduentauit: ita-
que onusti spolijs sunt eum prosequuti, & ouantes ferè ac
ludibundi. Horæ spatium aberat Bonnâ Legatus, cum Rhe-
das alias binas obuias habuit; & Nobilis primarius ex Aula
nomine Serenissimi eum excepit, induxitque in Ciuitatem
& in Aedes Legatis, atq; Oratoribus Principum destinatas.
Altero die familia item naui Andernacum præire iussa est,
dum interim mutuis in alloquijs Legatus atq; Elector erant,
ac demùm Mensa regio apparatu instructa sermonem exce-
pit; in qua circumstante magno Nobilium numero Legatus
atq; Elector sub aulæis purpureis confedère, & proximè ad
vtrumque latus Osnaburgensis Princeps, Episcopi Suffraga-
nei

nei Colonienſis & Paderbornenſis, ac deinceps partim tres
 ex familia Legati, partim alij Nobiles Patriæ, cuius tunc
 Bonnæ Comitia celebrabantur. Sublatis menſis Princeps
 Elector Legatum ad cubiculum eius reduxit, & quia iter
 Andernacum erat ſeptem circiter horarum, paulò poſt ad
 Rhedas deſcendit atque abeunti valedixit, Cuſtodes eius
 Equites aliqui anteceſſerant vt graſſatorum vim, ſi qui viam
 inſediſſent, frangerent, aut propulſarent; alij Legatum po-
 nè ſequebantur fuiſſentque tuta, & ſecunda omnia; modò
 non exundafſet Rhenus: is enim tumens ripæ ſemitam nau-
 bus dederat, Rhedis ademerat. Quare ad leucas duas Ger-
 manicas prope Andernacum hæ progrèdi nequiverunt, &
 ideò commodatis vltro militum equs Legatus pergere cum
 ſuis ad Oppidum vſque neceſſe habuit: vbi cœnâ ſubitaneâ
 contentus (vix enim amplius in multa Noctē à Familia ex-
 pectabatur) cubitum ſeſſus de via conceſſit. Triduo dein
 Moguntiam venimus proluente ripas Rheno, & equos re-
 tardante qui nauim protrahebant; ſed fuit oblectatio aſpi-
 cere vtrumque fluuij latus collibus, & vinetis ſtipari ita cul-
 tis, ita frequentibus vt nuſquam vinum cum aquâ tam ſeli-
 citer hoſpitari poſſe, vel aqua ipſa inter vinum tam inno-
 center interfluere videatur. Viſuntur etiam hinc & hinc
 frequentes Pagi oppidaque (ſpeculæ vineis colendis, culto-
 diendiſque) quorum magna pars nominibus ipſis tempora
 Cæſaris, & Druiſi teſtatur. In medio itē Rheno natant inſulæ
 plures: è quibus vna iuxta oppidum Bachara (ob vini præ-
 ſtantiam dictum quaſi Bacchi Aram credunt) Aedificium
 habet, ad quod in puerperio Vxores Comitum Palatinorum
 Rheni antehac immigrarunt; vt tenelli Domini, quos ibi pa-
 rerent, accillantem aquam priùs, quàm tetram contingrent.
 Moguntia litteræ redditæ Abbatis Fuldenſis monere Se-
 ligenſtadij affore vehicula: proinde tranſmiſſo Rheno Mœ-
 num ingreſſi Francofurtum appulimus ipſo peruigilio SS.
 Apoſto-

Apostolorum Petri, & Pauli; & hinc naue alterâ conductâ (Coloniensibus enim nautis nauigare vlteriùs Ciues vetant) ipso festo die peractâ Re Diuinâ in Templo Carmelitarum, Seligenstadium profecti in puncto mediæ noctis eò venimus. Hora intempesta, & somnus Abbati eius loci faciliè persuaserant, nullos tum hospites sperari posse, & fore vt solis nocturnis auibus pateret domus; ideo spatia horarum aliqua iam dormierant omnes, cùm excitati aut semisomnes audito aduentu nostro, currere obuiam, & quidquid reliquiarum ex cœna semesa superfuerat, excusatâ verosimili persuasione, festini apposuerunt. Intererat P. Io. Reinardus Ziglerus paulò antè ab Vrbe redux, qui ex Arce Aschaffenburgi nomine Illustrissimi Electoris Moguntini, cui est à Confessionibus, venerat vt eò Illustrissimum Nuncium inuitaret, & cum hoc in cœna diu sermonem producentes Auroræ iam iam admonebamur; quam eo die nemo nostrû tamen vidit, oculis somno ferè nocti posthumo sopitis. Expergesfacti luce plusquam adultâ, litteris Francosurto datis cognouimus Rhedas Principis Fuldensis, mox adfuturas, & ideo dilata est profectio ad Electorem Moguntinum, tribusque vehiculis iter rectâ Fuldam arripuimus. Eo die pertrâsuimus incendio alicubi absumptos, alicubi semiustulatos pagos; reliquias prætereuntis dicere fulminis, non militis; si de milite esset Sermo, qui aduersus hostes & potentes, non aduersus amicos & imbelles fulmen egisset. Sub noctem in oppido Gelhausen reperimus parata omnia ab Antecursoribus Principis Fuldensis: antequam tamen cœnæ accumberetur, Religiosi Ordinis Sancti Francisci Legato supplicârunt, vt Templum auxilio Militis Hispani (ad trecentos enim ibi pedites in præsidio erant) ab Hæreticis eâ ipsâ hebdomadæ vindicatum elueret piaculo, redderetque vsibus sacris. Moram eam pati ægrè potuissimus, quoniam postera luce Neouij à Fuldensi Principe aduen-

aduentus noster certò expectabatur. Proin Legatus in Sacello
 Castrensi, priusquam abscederet, salem & aquam piâ im-
 pertiuit prece, & ea ritè confusa Religiosis illis reliquit, vt
 Templum ipsi proluerent ac lustrarent, iuxta Summorum
 Pontificum Diplomata, quæ facultatem hanc ipforum Or-
 dini tribuunt. Templum dein structurâ nec exiguâ, nec in-
 eleganti fabrefactum inuisimus, gauisi potuisse eius possessionem
 adiri in loco, in quo Familia Catholicorum nequidem
 vna tum supererat. Legatum abeuntem Dux ipse cum ali-
 quot militibus ad leucas fermè duas profectus est, & sub
 meridiem venimus ad Oppidum Comitum Hannouienſis, in
 quo primarius quidam Nobilis ex Aula Fuldenſis Principis,
 cui à consilijs erat, Legato per prosperum aduentum gratula-
 tus eidem obsequia Heri sui detulit disertissimè, ac pran-
 dio nitido tractauit. Tandem pomeridianis horis ferè ad
 locum Visitationis peruenimus; hoc est ad Arcem Neouij
 prope Fuldam ad leucam vnâ: & quia in Ecclesia tum an-
 niuersaria celebritas referebat Virginalia Mariæ Elisabeth
 grandæuam puerperam inuisentis, ex ea re pro Visitatione
 læti omen accepimus rei benè gerendæ. Obuius Legato
 primùm fuit cum aliquot Equitibus Pater Oswaldus Heg-
 wein Societatis IESV, qui post salutationes & obsequia,
 Fuldensem Antistitem, cui est à Confessionibus, ad propriæ
 ditionis proximos fines Legato aduentanti obuuisse nun-
 ciauit. Eò itaque vbi ventum est, ille stipatus numero ma-
 gno Nobilium & Aulicorum, Hospitem Apostolicum excep-
 pit per omnia obsequij & amoris indicia, & ita vt erant e-
 gressi Rhedas in vicem dixere ambo, & se officiosissimè
 consalutârunt. Inde vecti simul processerunt, & alij partim
 equis anteibant, partim rhedis quatuor ponè sequebantur.
 Sed in primo Pago, inter dispositos milites centenos, consti-
 titus paululum, intercurrentibus per rhedas per equos, qui
 vini lagenas & bellaria ferrent ad sitim restinguendam;

C

ibique

ibi que coram eo militiæ apparatu Germani & Itali amicissimè poculis certarunt. Post horam circiter inter milites multo plures, Neouij Arcem intrauimus, plausu militari vndique perltrepente, in eaque nihil reperimus, quod Hospitem nobis Principem non referrent. Vasis enim argenteis auro litis prægrandibus vina rursus, & dulcia omnis generis bellaria in cubiculis supra mensam apposita nobis occurrunt; si qui fortè nostrum voluissent se denuò inuitare: cœnamque opiparam primis tenebris insedimus; post quam nocte placidissimâ quieuius. Spatium vnus diei substitimus Neouij, vt interim Fuldæ Vilitatio indiceretur: quem ad finem affixæ valuis Principis Ecclesiæ, & sacrarum Aedium aliarum, atque adeò foribus Arcis paginæ fuerunt, sigillo maiori obsignatæ & conceptæ in hanc formam.

PE.

PETRVS ALOYSIVS CARAFÆ

Dei, & Apostolicæ Sedis gratiâ Episcopus Tricaricensis, Sanctissimi D. N. VRBANI Papæ VIII. & eiusdem Sanctæ Sedis ad Tractum Rheni, & Inferioris Germaniæ partes cum potestate Legati de Latere Nuncius, & pro Visitatione Monasterij Fuldensis, eiusque Reformatione Commissarius ab eodem Sanctissimo specialiter Delegatus &c. Reu.^{mo} Abbati, Admodum Reu.^{dis} & Religiosis DD. Decano, Præpositis, Capitularibus, & reliquis Monachis, Vniuersæque Familiæ Monasterij Fuldensis salutem in Domino sempiternam.

Paterna viscera charitatis, quibus Sanctissimus, D. N. VRBANVS Papa VIII. nobilissimū Ordinem Sancti Benedicti, in Germania præsertim, ætate iam tot sæculorum florentem complectitur; & eius imprimis amor erga Fuldensem Abbatiam, filiam primæ dilectionis, atque in Religioso Ordine suo primæ dignitatis, inuitarunt eum denuo ad officia Patris & veluti ad vbera rursus vobis exerenda, vt quasi modò geniti infantes de pectore eius lac concupiscere non diu debeatis: sed expleamini ab vbertate charitatis, atque in viros perfectos adolescere cum gloriâ ite-

rum positis. Nouit ipse uidelicet, saepe Ecclesia filios à vetustate spiritus renouari debere, & prolapsos in veterem hominem debere interdum vtero reddi, vt sint nouum figmentum, & noua creatura. Ideo saepenumero pectus disponens, vlnasque preparans, vt illos iterum parturiat, donec formetur in eis Christus; hoc noui Patris munere affectum antiquum exprimit Pontificia charitatis. Nec aliud in praesentia cum Abbatia Fuldensi praestiturus est: dum Nobis visitandi munus demandauit, voluitq; per Nos curari, si quid virtutis addi, aut si quid imperfectionis oporteat demi. Afferimus itaque vobis eius quasi pectus, vlnasque ad complexum, ad amorem: & fouendis nouis prolibus Patrem absentem hic vobis, in munere Visitationis obeundo, quodammodo representamus. Virtus renasci saepe solet, & redire ad lumen pristina iuuenta, cum emoritur, cum senescit. Sed sepulta iacet, quando copia parentum destituitur, & quando desunt ei obstetrices Praesulum manus, qui eius puerperium iuuent. In vobis si rugas virtus contraxerit vetustatis, vel si (quod non opinamur) languida fuerit, & fortasse etiam inceperit mori; ne Parens desit, & ne desint auxiliatrices manus, ad partus noui felicitatem, Sanctissimus Dominus Noster iam efficit: dum Nos ad nobilissimam vestram Familiam visitandam, auctoritate Apostolice Legati etiam peculiaribus Pontificijs literis expressa, huc aduenire mandauit.

Ad laudem itaque, & gloriam Omnipotentis Dei, Sancta Mater Ecclesia, & Ordinis clarissimi Sancti Benedicti nouum ornamentum, Vobis vniuersis, & singulis Visitationem indicimus, quam die quarta Iulij in Conuobio Fuldensi, quod ceteris praestit, auspicabimur, & Deo fauente continuabimus in domicilijs alijs: pro quibus dies etiam certos constituemus. Cum autem non aliud conspiciant desideria nostra, dum vestra Religiosa Familia loca visitabimus, quam vt in eis odor ille vite, & disciplina suauissimus denuo spiret, quo vester Ordo terrarum Orbem vniuersum, & vestra hac nobilissima Fuldensis Abbatia Germaniam totam fragrantia sua, antea-
 ctis temporibus, ad praeparandam omnem fouit simul, ac delectant: vt

id consequi facilius, certiùsq; possimus, vos dilectos Nobis in Christo Reuerendiss. Abbatem, RR. Decanum, Præpositos, & reliquos Ministros Cænobiorum Fuldenſis Abbatia paternè hortamur, & pro Legati potestate vobis iniungimus, vt intra triduum à die promulgationis, aut affixionis præsentium ad Valuas Ecclesiæ Fuldenſis faciendæ, omnia acta, & decreta, si qua in eorum Visitatione aliàs per superiores Legatos Sedis Apost. qui Nos antecesserunt propoſita, & promulgata fuerint, Nobis adferant, & exhibeant, atque eorum insuper statuta, ritus, instituta, priuilegia, obligationum onera, quæ vniuersis, & singulis incumbūt, Nobis manifestent. Demum quacunque ad Dei gloriam augendam, & ad Cænobiorum, Religioſorumq; præſidium maius, atque ornamentum facere videbuntur, ea Nobis ſuggerere optimâ fide deberent, vt Visitatione numeros illos perfectionis habeat, qui veſtrum Ordinem, veſtram nobilitatem, veſtram familiam Fuldenſem deceant: quod inter cæteras Germania dici poſſit omnium iudicio, non temporarium duntaxat, ſed virtutis quoque obtinere Principatum. Imploremus Patrem miſericordiarum, & Deum totius conſolationis, vt oleo effuſo Nominis ſui, calitiùs perfundat corda ſingulorum: quod cunctis ingum vita liberioris computreſcat à facie eius olei, & ingum Religionis alterum ſuaue eis, onuſque leue efficiatur. Vt verò ſanctè, ac temperatè ſuccedant omnia, etſi de familia noſtra fide, atque integritate nihil quicquam dubitamus (quæ de ipſa ſapius ab hac parte habuimus experimenta) nihilominus ſacrorum Canonum, & Concilij Tridentini decreta venerantes, ſub pœna Anathemaſis ſeuere inibemus, ne Religioſorum vlli munera offerre, & ne ij qui ſunt in familia noſtra pecuniam, aut munus quodcunque, quoniam titulo, in hac Viſitatione petere, vel datum vltro accipere præſumant: ſed contenti Nobiſcum ſint victu religioſo, & frugali, qui iuxta præſcripta Sacrorum Canonum, neceſſitate niſuretur, non voluptate. Datum ex Arce Neouij. Die 3. Menſis Iulij, Anno, M. DC. XXV. I.

Solis

Solis die illucescente, Rhedi quinque, præfultante Equite cum tuba, Fuldam expectati venimus. A suburbij vestibulo ipso, & per Ciuitatem deinceps vsque ad Principis Palatium, inter militem vtrimque cum accenso fomite ad bombardulas in gradu hærentem, iuimus iucundo spectaculo; quia plurimi simili sago erant, & hinc tympanis, hinc explicatis signis pulchrè distinguebâtur. Primas gratulantium voces dedere Innocentuli Paruuli Candidati, qui Rythmis Germanicis blandè succincentes Legato cum vexillulis occurrerunt: & post ad fores Templi, vbi hauriunt Christianæ Fidei rudimenta, densa erat illorum cateruula, quæ modulando aduentati Hospiti benè precabatur. Dein è Gymnasio Societatis I E S V Nobiles iuuenes, diuersis locis Urbis, adfuere gratulabundi. Equites tres armis & baltheo insignes, cristæque versicolore verticem ornantes, qui ternos Militiæ Cæli Præsides referebant, in hæc verba sunt, equis ad Rhedam adductis, prolocuti.

MICHAEL.

Quidni Angelici exercitus terni Ducitores & Antesignani Angeli, Reuerendissime Præsul, Princeps Illustrissime, in festiuis Urbis vniuersæ vndiq, excita tibiq, occurrentis applausu te ANGELVM, Angelum inquam, & à Deo ablegatum NVNCIVM primi omnium consalutamus? meritò ego cælestis Militiæ Signifer & Princeps MICHAEL, Ecclesiæ totius protector atque custos, te ab Ecclesiæ Capite VRBANO OPTVMO MAXIMO ablegatū, te Ecclesiæ meæ Episcopum, te NVNCIVM APOSTOLICVM in Ecclesiæ meæ emolumentum hanc Urbem ingredientem, & Anglicā salutis impertio, & auxilium operiq, Anglicam promitto. Age ad Ecclesiæ meæ commodum quod agis: hic te fulmineus mucro, ne vereare, hac te arma contra Tartarei Serpentis irritas machinationes defensum dabunt.

GABRIEL.

Dei Fortitudo GABRIEL, Religiosissime Antistes, è beatissimæ Super-

PETRI ALOYSII CARAFÆ. 19

Superorum sedibus delapsus Angelicam assorto salutationem. Eia Urbis Fuldana mania subire ne reformida. Ego tuis sanctissimis conatibus adero; ego nervos & robur, ego vires & efficaciam, ego fortitudinem & constantiam ad ea, quæ Dei causâ gerēs, promptè suscipienda, feliciter exequenda, constanterq; perficienda suppediabo.

R A P H A E L.

Dei Medicina RAPHAEL, ad peregrinas terras adeuntium Comes & Tutor, te Reuerendissime Antistes, iter illud periculosum inxâ & difficile Dei Ecclesiæ, eius causâ agentem, & comitatus sum & tutatus. Nunc verdè ad destinatum optatumq; deducto terminum gratulor, & plaudo. Eia, Præsul Illustrissime, nort alium esto Medicina, deprauatis medere moribus, pestes morbosq; animorum cura. Ego si quid aduersi cervicibus fortè tuis impèdebit, à te dimouebo, propulsabo.

In foro lecti luuenes alij togâ veteri Romanâ conspicui, velut Oratores è Rhetorices adytis prodire, ac Eloquentiæ priscos Antistites imitati hos dedere plausus.

M. TVLLIVS CICERO.

Adeste fori principes, gens triumphalis Oratorum, manibus date lilia plenius, & quidquid rosarum fecunda cumulauit Eloquentia letis effundite calathis. Sic Romuli nepotum disertissimus iubeo TVLLIVS. Vestro applausu honorandus venit Latinâ de gente Præsul Illustrissimus PETRVS ALOYSIVS, cui magnus CARAFARVM sanguis Nobilitatem, singularis humanitas sui apud omnes desiderium, copiosa virtus nominis celebritatem, constans, æquitas gratiam, officij magnitudo gloriam conciliauit. Promitte quod aspectu tanti Viri exhilarata suggererit Dea eloquentia. Procul abest trepidatio: si minus Virtute eius dixeritis, ignoscet facile clarissima illa generosi pectoris modestia; si quid illustri gloriâ exilius, humanissima Præsulis facilitas non voluntariam tenuitatem pro copia existimabit.

M.

ITER FULDENSE

M. CRASSVS.

Tantas, Illustrissime Domine, tamq̃, multiplices aduentus iste exoptatissimus gratulandi gestiendiq̃, parit hodie causas, ut in ambiguo pendens facundia dubitet; virum id dicendo aggrediatur cuius finem se inuenturam noui videret; an quia finem desperat, saltim initium faciendo voluisse fateatur?

M. ANTONIVS.

Nimirum in isto ore Maiestatis Virtutisq̃, plenissimo intueri nobis videntur ipsam pene Romam quondam Orbis terrarum ferro Dominam, nunc Orthodoxa fidei sincerâ Religione Magistram; olim magnificentissimis Imperatorum triumphis nobilitatam, nunc Summorum Pontificum quasi Diuinâ in terris Maiestate, vltra Solis lucisq̃, vias gloriosam.

Q. CATVLVS.

Felix Rhenus, curus Religionitalem profecit Roma Magistrum, cuius Nobilitas est gloriosa, scientia indubitata, mens inuicta; cuius vultus maiestatem spirat, vox sapientiam docet, Vita loquitur integritatem; Talem te enim, Illustrissime Domine, fama depingit, conuersatio testatur, vita probat.

C. PISO.

Harum tantarum rerum, Illustrissimiq̃, Nominis tui gloria excitata Buchonia sibi gratulatur, eius vel aspectu frui posse, quo propter incredibilem utilitatem & iucunditatem terrarum alia nobiliores satiare non possunt.

Q. HORTENSIVS.

Verbo complectar, Illustrissime Domine, quod tota nequit facundia, cur gratulabundus hic cœtus se tue Illustrissima Dignitati obuiam tulerit. Sic Fuldam vniuersam sentire existima: relictam in his terris Religionem & Pietatem Illustrissima Virtutis tuaradijs fouendam benignius, illustrandam clariùs, & copiosius adaugendam.

SERV.

PETRI ALOYSII CARAFÆ.
SERV. SVLPITIVS.

21

At tibi, Illustrissime Princeps IOANNES BERNARDE, quid tua hodie Fulda? nunc quidem virtutem illam ingentem, atque Illustrissimam generositatem gratulabunda suspicit & admiratur: olim veid æternis laudum præconijs ad Cælum tollet, quod hodie illud lumen omnibus palam ostenderis, cuius ardorem, claritatemq, memor & melior posteritas Maioribus suis gaudebit affulsisse.

Cecinere ad finem omnes:

Benè sit Illustrissimo PETRO ALOYSIO,

Feliciter Illustrissimo IOANNI BERNARDO.

Pubes alia minor, in plateâ Urbis laxiore, sues Rectos orationis vincitæ & solutæ sonose effudit lætabunda. Principiū fecere hoc dialogo GRAMMATICA, ET ETYMOLOGIA.

GRAM. Ingenuus inter non vltima censeor Artes,

Quarum Fuldiaco Sacra docentur agro.

Grammatici Regina potens atque Induperatrix

Imperij, Pueris audio Grammatica.

Huc socio stipata choro, turbæque Clientum

Cincta salutatum, nescio quem, venio.

Euge Soror, quæ vim depromis Etymologia,

Verborum, nomen Principis ede mihi.

Aduena quis Princeps? ETYM. PETRVS est ALOYSIVS

GRAM. vnde

Missus? ETYM. ab Vrbe, Orbis quæ caput est, & erit.

GRAM. Quis PETRVM hunc misit? ETYM. Petra Petri sede locata. (est.

GRAM. VRBANVS summus PRAESVL? ETYM. is ista Petra

GRAM. Sed quod stemma Viro? ETYM. stirps illustrissima: Princeps.

E CARAFARVM sanguine progenitus.

GRAM. Quis titulus, vel auitus honos? ETYM. Antistes in Urbem hanc,

Et Praesul Summo à Praesule missus adest.

D

GRAM.

GRAM. *Euge igitur; tanto Heroi sincharma Clientes
Accinite, & letum carmine χῶπε date.*

Dialogū excepere Clientes quatuor, ac dein ordine Artes
alię primis ancillātes; quas Rectus casus, & Obliqui subseque-
bantur, & PETRI ALOYSII declinatum nomen litteris
grandiusculis in hasta singuli gestitabant.

Cliens primus.

Salve, salve iterum, salve Illustrissime PRINCEPS.

Cliens secundus.

Salve, salve iterum, salve ô Amplissime PRAESVL.

Cliens tertius.

Salve, salve iterum, salve ANTISTES Venerande.

Cliens quartus.

Salve, salve iterum, salve PETRE NVNCIE PETRI.

Cliens primus.

Illustrissime Praesul, atque Princeps,

Tot hac Grammatici cohors Lycæi

Impertit tibi lata faustitates;

Tot fert ac tribuit tibi salutes,

Quot sunt nomina, quotq; in Vniuerso

Regno Grammatica, vel Orbe verba.

Cliens secundus.

Non ego Maonios gnarus resonare Cothurnos,

Grammatica alumnus Paruulus;

Quos ergo fundam versus tibi, maxime Praesul?

Quæ metra pangam & carmina?

Hoc scio, quod docuit me plurima Epistola Tullî:

Dico salutem plurimam.

Cliens tertius.

Quod nos Grammaticæ suos Clientes

In Tyrocinij docet puillos

Declinare, simulque coniugare;

Id vouet, petit, imprecatur, optat,

PETRI ALOYSII CARAFÆ.

23

*Illustrissime Prasul, atque Princeps :
Declines mala semper, & pericla ;
Declinent malâ te, & pericla semper :
Et contrâ bona coniuges, tibi que
Coniungant bona se, atque faustitates.*

Cliens quartus.

*Pluralcm numerum gnari, numerumq, tenemus,
Qui singularis dicitur.
Pluralem numerum tibi, Princeps Magne, dicamus,
Vouemus, offerimus, danus :
Non vnâ, ast vno plures damus ore salutes,
Et faustitates plurimas.*

PROSODIA.

*Me quoque cura tui tenet, Illustrissime Princeps,
Qua nuncupor PROSODIA :
Pars sum Grammatica Princeps, qua tempora longa,
Breuiâq, dominio meo
Contineo; do longa tue, PETRE, tempora vita :
Seruans mihi breuiâ; sileo.*

SYNTAXIS

*SYNTAXIS Gracâ, Constrûctio voce latinâ,
A construendo dicta sum.
Sed quid Magne struam tibi Prasul PETRE ALOYSI?
Construo salutem plurimam,
Et precor, ingressus tibi quondam, aditusque struatur
Ad Cælitum Palatia.*

ORTHOGRAPHIA

*Hûc ego Grammatici non vltima prodeco regni,
Inter Grammaticos ORTHOGRAPHIA vocor.
Hæ partes munusque meum sunt, tradere rectum,
Quo conscribantur nomina quaque, modum.
Omne hoc, quidquid id est etiam, Illustrissime Princeps,
Maneris, æternum trado, dicoque tibi.*

D 2

Vt

Vt tua gemmatâ luce, auratisque figuris

In vita radiens nomina scripta libro.

NOMINATIVVS

Vinat Illustrissimus Princeps PETRVS ALOYSIVS,
& felicissimè, qua constituit, omnia exequatur.

Ita opto NOMINATIVVS.

GENITIVVS

Ter felix, & auspiciatus sis aduentus

Reuerendissimi Præfulus PETRI ALOYSII.

Ita precor GENITIVVS.

DATIVVS

Devs, Diuique Superi, Optimo Antistiti

PETRO ALOYSIO benè, feliciter omnia euenire iubeat, velint.

Ita voueo DATIVVS.

ACCVSATIVVS

Diuus Petrus Apostolus Legatum suum Apostolicum

PETRVM ALOYSIVM conseruet, & aternũ bect.

Ita peto ACCVSATIVVS.

VOCATIVVS

Vine, vine hic in terris feliciter, & beatè,

Amplissime Episcopo, PETRE ALOYSI, & in Cælis aternũ trium-

Ita iubeo VOCATIVVS.

(pha.

ABLATIVVS

ANuncio Apostolico PETRO ALOYSIO,

D. Petrus Apostolorum Vertex, Cælitæque

Omnes mala omnia auerruncent.

Ita oro ABLATIVVS.

Locum ad acclamationes suas adlegit Cygnea Poëtarum
 Natio iuxta limen ipsum Aulæ (quam nimirum frequentes
 terunt) & hic lauro coronati hos versus, simul & solitariè
 intranti LEGATO cecinere.

Qualis Eo veniens ab Indo,

Cum diem pulsas reuehis tenebris

Phæ-

Phœbus, & densas rutilante vultu

Discutit umbras.

Talis illustri comitante plausu

Buchonum notans veniens ad Urbem,

Disitis fulges procul hinc ab oris,

Magne CARAFÆ.

VIRGILIVS.

*Ille ego, qui quondam gracili modulatus aenâ
Carmen, & agrestem meditatûs arundine musam :*

Te nunc Illustri Fuldam inuisente CARAFÆ,

Felicem nimium BERNARDO Principe Fuldam,

Maius opus moueo : sic turba Nouensilis vrget,

Sic vatûm gens, Diuinogens Numine plena.

OMNES.

Vivat io ! Illustris vivat, valeatq; CARAFÆ.

ENNIVS.

ENNIVS ipse Pater Dîs hocce ratantibus optat.

CATVLLVS.

Et Magnus quo sese effert Verona CATVLLVS.

TIBVLLVS.

Et tersus, facilis, placidusque, tenerque TIBVLLVS.

PROPERTIVS.

Facundusque Vniber, fecit quem Cynthia vatem.

HORATIVS.

Sublimiq; ferit qui vertice HORATIVS astra.

STATIVS.

Armifonusque, grauisque, & pleno STATIVS Ore.

LVCANVS.

Atque per Emathios qui cantat prælia campos.

CLAVDIANVS.

Et Magnus Magni quondam Stiliconis amator.

OVIDIVS.

Atque Tomitana NASO nouus incola terra.

OMNES.

Vivat io, Illustris vivat, valeatque CARAFÆ.

HOs inter p̄fatus litterarum, militiæ, atque effusæ vndique Ciuitatis, Legatus à Principe deductus est in præcipua domûs conclauia; quæ nitida & congruæ altitudinis ac laxitatis, sic in se adytis plura collineant, vt in longam seriem pulchrè discedant: & hîc pariter commoda hospitij omnia vtrò se nobis obtulère. Interim populi expectatio in Templo erat; ad quod festinus contulit se Abbas, vt Pontificum insignibus ornatus, nempe compluuiatâ veste prædiuite, gemmatis Infulis, & argenteo Lituo, cum Præpositis & agmine cætero Religiosorum, procederet obuius Legato. Qui postquam cum Familia tota vestes viatorias exuerat, adfuit in conferta Nobilium & Militum turma, tenui crispolino candidoque linteatus, & togam supernè circa humeros purpuream, cætera violarem induens, in Area ipsâ Templi exteriori, osculatus est religiosissimè simulachrum Christi Domini de Cruce pendentis, quod Abbas, obsequij causâ positâ Cydâri ac Pedo, ei detulerat. Exin exceptus vmbellâ, quam seni Ciues primarij efferébant, in Templi limine ab Abbate aspergillum madidum lustrali aquâ suscipiens, eo circumstantes irrorauit. Pòst aliquantulùm compositis manibus stetit, donec ei Abbas thuribulo Fumulum odoris pij adoleret: & tum militum explosiones foris, intûs voces modulatè canentium cum organo, fidibus, & multiplici chelli strepitum dulcem temperatissimè miscuerunt; dum Legatus ad Altare Summum, procumbenti vtrimque populo benedicens, irect. Vbi verò dictæ solènes preces atque hymni fuerunt, Legatus Deo perlitauit inter harmonicos eos modos: quibus insuper numerosè consonabat Sydus pensile radijs prægrandibus, quasi pyramidibus, sese vastum in gyrum explicans atque euoluens; quod libratum è summo medij Templi tholo, axe funibus innexo, versatur; & interim, vti est nolulis, tintinnabulisque radiatim intextum, gyratione lentâ perpetuos, & cum Basilicæ totius lata vocum

ac fidium concordia commodissimos reciprocatur sonos. Itaque canorum hoc Astrum, & nunquam absolum aut discordans, nobis sydereos concentus Orbium maximorum (si Cælum musicum est) iucundissimè referebat. Moles tota nunc ahenea vel ferrea, suam priscam originem auream, quam Antiqui fuisse perhibent, in metallum obscurius, vñ cum duriam sæculi moribus, immutauit. Legatus postquam Aris operatus fuerat, in secreto confessu, in quem Abbas, Præpositi & Religiosi coeunt, ut in commune deliberent, recitari à Scriba Publico litteras Apostolicas ad se Visitationis causâ ab VRBANO Pontifice datas mādauit; eoquē demisso clausi hæserunt diutulè, & Legatum deinde percrebuit ad eos in hæc fermè verba Parænelim habuisse.

Vniuersa, quæ sub sole sunt, damnosa imminuit dies: & deteritinea temporis, quicquid floridum, quicquid amœnum est, ipsa in quibus versamur, anni vicissitudines manifestant. Qui Vere exoritur pulcherrimus quasi mundi conceptus, is magna ex parte in Aestate inarescit; & quæ in Autumno apparet natura parturientis læta sæcunditas, sterilescit in Hyeme. Homo item, cuius pars altera potior & præstantior, tota immortalis est, propere à pubertate in reliquas ætates, & denique præceps, veluti proscribendus à vita, agitur in senium: quod limen mortis est, & vestibulum panè dixerim, sepulchri. Hinc ille magnus patiendi Magister Sanctus Iob in hoc humanarum miserationum compedium collocauit: nam inquit, Homo natus de muliere repletur multis miserijs; subdit statim: Quasi flos egreditur, & conteritur, & fugit velut umbra, & nunquam in eodem statu permanet: aded cuncta in deterius perpetuè dilabuntur. Sed utinam non Virtus quoque initijs pulchra, initijs vegeta, spatio marcesceret: Utinam non aliquo modo hac tineæ temporis animum quoque tangeret; & cum nocere stirpi nequeat, quæ naturâ suâ est immortalis, non abederet fructum eius; imò sæpe florem eius: uani Virtus Ver, & Autumnum habet, in quo floridæ, in quo frugifera est. In hac tamen iactura postre-

postrema, solatium aliquod est ipsa stirpis felicitas, quæ sola non leditur, & quæ germinare virtutis non à vbertate rursum potest: animum quippe, ut dixi, tinea illa non perimit, eaque hominis pars cariem non sentit, aëro non comminuitur, dentes temporis, edaces rerum aliarum omnium, sola non patitur; quia est immortalis, quia est mansura cum Deo in perpetuas æternitates. An non illud efficitur, cum animi cultura denuo instituitur, cum innovantur mores, atque, ut vno verbo dicam, reformantur? Nihil est in huius vocis auditione quod metuant; nisi si qui metuant formam, si qui pulchritudinem venustatemque oderint; ament verò informem speciem, obliti penitus quid terrori esse debeat, quid amori. Quando aëro deformantur Aedes, pulchrum ducimus illas instaurare: Corpore quando agri sumus, cupimus illic sanari; displicet in ore macies, in viribus lassatio, in gustu amarities, quæ velut inscitur cibi voluptas; denique in sanguine lues, qui intus vitæ succus est, & foris vitæ color: hæc porro corporis tanta deformitas datis medicaminibus confestim tollitur, & curatur. At si quæ animi sit intemperies, si quæ agritudo virtuti adimens formam & pulchritudinem, iucundum fortasse non erit eam sanari? censebitur durum, asperum reformari? Non ego id in animum meum induxerim de statu, & de conditione vestra. Nimis altam agritudinem & nimis sopitum morbum indicaret, & quasi veterno vos indormire malis vestris ostenderet: Medici verò manum, ut in difficili curatione sit, necessariò asperaret; ex quo & dolores coorirentur, deberentque qui ita agrescerent, à Medico inuiti quoque, ac dicta interminantes curari. Non in hoc statu sunt, si qui ex hac nobili Congregatione Fuldensi oblanguescunt: sensus adhuc integros habent, habent vigilem animum, quo morbum agnoscere, eiusque amare, optate curationem possunt. Id in prima inspectione satis deprehendo, cum viros inuenio conscios adhuc suæ nobilitatis, suæ Religiosæ Professionis, sui Ordinis, suæ existimationis atque virtutis: & possum idè de successu bene ominari; possum predicere etiam ego, sicut olim Magnus ille corporum, atque animarum Medicus Christus Dominus,

dum

dum sanaret omnes: Infirmitas hæc non est ad mortem. Sen-
 sus excitatos habetis, ita sanè; quia memores estis vestra gloria, ha-
 retq; animis recordatio antiqua Fuldensium Religiosorum san-
 ctitatis. Imò valetis memoriâ diuturniori, & potestis substituere ani-
 mo exortum Religionis vestra, quando à Sanctissimo Patri archa
 Benedicto in benedictionibus dulcedinis parturiebatur. Respicite
 ad Petram, vnde excisi estis; ad vestrum Abraham, cui non mi-
 nus, quàm alteri credentium Parenti dixit Deus: Suspice Cæl-
 lum, & numera stellas si potes; sic erit semen tuum. Fuiſtis
 ſydera, nec numero dimittaxat sed luce virtutis, sed conditione na-
 tura celestis. Si qui ab eo splendore atque præſtantia ſortè deſcuer-
 rint, ita ut stella cadentes aut ſint, aut videantur; aſpernune ſit
 in priſtinam aſſeri lucem, reponi ſedibus celeſtibus, impediri ruinâ,
 qua de calo ſit ad ima Terrarum, vbi ſordeſcunt fædiſſimæque om-
 nia polluantur? Hoc demum eſt Religioſos veſtra Sodalitatis refor-
 mari. Eſt dari eos rursus in ſplendorem, eſt eos rursus accendi,
 rursus illuminari: & ſanè accenſis charitas augebitur, & fama;
 alijs qui eos ſuſpicient, ſi probi ſint & Catholici, ſuadebit facile
 exemplum egregium, ut videntes lucere veſtram lucem coram ho-
 minibus, glorificent Patrem veſtrum, qui in Cælis eſt: ſi con-
 trà improbi ſint & Fidei vera deſertores, ſpectaculo erit veſtra lux,
 & eorum perſtringens oculos impediet, ne vobis obtendere proprias
 tenebras audeant; quibus circumſuſi (quippe filij tenebrarum) ſape
 vobis mores eos exprobrârunt, quos in ſe ſouent, & in alijs nihilo-
 minus deſectantur. Eſtis in medio Nationis prauæ, qua utique
 in Religioſos viros ſua inducere vitia conata eſt; & interdum in-
 duxit, nec alium in finem, quàm ut quos in prauam imitationem il-
 legerat, ludibrijs cos traduceret, exponeretq; dedecori. Eſt igitur
 cur ex arcè Religionis pugnetis aduerſus hos filios tenebrarum filij
 lucis, & cur oſtendatis quacumque ſyderum aut naturam, aut ſi-
 militudinem habent, hæc interiectis vaporibus terrenarum cogita-
 tionum obnubi poſſe, obſcurari non poſſe. Ecquid autem Reforma-
 tio agit? nonne iſtas nubes diſſipat, qua ex terra limo exhalantur,

efficitque, ut vanescat quidquid moliantur *Aërea potestates*, & ut postquam undique conferenauerit, appareant sicuti prius Religionis vestra *sydera*, vestrum *Cali* lucidum genus, vestri origo splendoris, vestra gloria, qua mundum vniuersum interuallis tot iam seculorum illustrauit? *Stellæ* perpetuis motibus aguntur, & fixa in *Cælo* habent tamen: hic in cunctis rebus vester situs esse debet. Quocumq; feruntur, aliena incumbunt utilitati, sibi nihil quarunt, nihil acquirunt: quia hoc calesce, hoc diuinum est; nempe aliorum solummodo circumagi bono. Excidat è vestris animis cupiditas, faceat propria amor utilitatis, & tum in vestro *Cælo* habebitis procul à terra sordibus, procul à tenebris: alijs prodesse poteritis, nihil habebitis, omnia possidebitis; quasi *sydera*, qua in *Cælo* disposita ex *Terra* nihil habent, & tamen quidquid est in *Terra* inuoluunt, & quodammodo possident omnia. Sed non ita vos à *syderibus* potestis vestram discere paupertatem, ut non ab eis simul puritatem, simul obedientiam discere, ordinemq; pulcherrimum debeatis: qua duo ecquid in *syderibus* non videat, dum aliena videntur, obtinentque perpetuum locum & stationem in ortu atque occasu lucis suæ; dum luce candida virgineaque nitent? sed ne multis; ad hac exemplaria pronocare, hoc demum est vos in presentia reformare.

Sanctissimus D. N. VRBANVS VIII. Pontifex Max. Ecclesiam Fuldensem, Pater omnium Ecclesiarum, singulari dilectione prosequitur, & merito; quia didicit à Prædecessoribus suis eam esse filiam, cui debeat nescio qua prærogativa charitatis. Nam exempta semper ab omni ordinaria potestate soli Supremo Patri subesse, à solis eius manibus speciosa filia ornari solita est. Vnde maculas, si qua vultum eius deprauarint, abstergere; si qua vitia deformarint, reformare, ut tota pulchra euaderet, ut non haberet maculam neque rugam, studuit ille perpetuum. Itaque idem Summus Pontifex VRBANVS inductus desiderio, ut filia dilectissima Ecclesia Fuldensis, specie sua, & pulchritudine sua intendat prosperè, procedat & regnet, quia Nuncijs Apostolici sunt eius ora, sunt eius manus, per qua absens loquitur, absens agit; iniunxit mihi

hi auctoritate Pontificiâ, vt intermissis negotijs quibuscumque, Ful-
 dam me conferrem, inchoata eius reformationi manum Apostoli-
 cam admoturus; & vt collabentes vultus filia charissimo pristino
 lumini, & pristino colori, quem in inuent a sub Parente Sanctissimo,
 & sub Tutoribus primis habuit, restituerem; reputarem ab omni de-
 prauatione, atque, vno verbo, reformatem. Quod verbum grati vsûs
 esse dixi: quia quis à Parentis manu comi, ornarique se non mag-
 noperè latetur? Operis suauitatem, ex hoc vos capite, vobis debetis
 polliceri; ego mihi eiusdem operis felicitatem polliceor ex Idæa eius
 proposita, de qua vnique etiamnum posset dici: Respice, & fac
 secundum exemplar. Habetis prae oculis vestri Reuerendissimi An-
 tistitis, & Illustrissimi Principis mores ad omnem normam religio-
 sa vita conformatos; à vobis nihil virtutis requirit, in quo non ipse
 prior emineat: quasi deleatur etiam ab hac parte vester esse Pa-
 ter, esse Princeps. Plures perfectioris in eo lineam hic ego distingue-
 rem, nisi modestiam eius dum laudo, ei à modestia colore metuerem.
 Hortor saltem te, Reuerendissime Praesul, vt pergas hoc modo tuos ad
 pietatem, ad religionem allicere; vt formando prius mores in te, ad
 eos deinde exigas vitam subditorum. Pudebit enim sub capite de-
 center pulchro, membra licenter deformia esse: dicam & illud;
 pudebit sub capite spinoso, membra esse delicata. Vos verò,
 vos imitatores eius estote, sicut & ipse est Sancti Benedicti viri glo-
 riosi, & Parentis vestri in generatione sua.

Te iam ex hoc loco compello, Sanctissime Patriarcha: respice de
 Calo filios tuos Fuldenses Religiosos, heredes tuos, posteros tuos.
 Cœnobita & Ecclesias tuas vigilum Bellatorum stationes, & mili-
 tiam Cali esse voluisti; exulet inde somni otijque torpor: domicilia
 virtutum in eis constituisti; proscribantur vitia: Castra penitentia
 in eis erexisti; euertatur luxus & viuendi suauitas. Palæstram effe-
 cisti monastici contemptus; prohibeatur licentia, & sui superbiens
 æstimatio. Imprimis verò Solitudini, quæ Monachi paradisus est,
 Tu eos restitue, Tu qui expertus es eius delicias: hanc vnam venari
 à Te Religiosi in septis, in syluis discant, & vt præ illa cuncta

possint aspernari, effice Tu rursus in filijs tuis. Denique meo ore, sed tuo Spiritu iam perora, & his qui me audiunt persuade; Monasterij cellam iam quidem lateritium esse Calum, sed quod debet in Calum athereum permutari, quando eius habitatoribus tesseram tuam referentibus, hoc est vitæ formam, quæ debet iam in eis restitui, dicetur; Venite Benedicti Patris mei, possidete paratum vobis regnum à constitutione Mundi.

Hæc dixit Legatus; & Viri grauitas, sicut & muneris dignitas, cum facultate, quæ semper valuit, demulcendi, flectendique animos orationis volubili, pleno, & grato quodam sono defixos omnes in admirationem cum silentio reliquit, quod eloquentis elogij sæpe vim habet. Decanus enim Maior consultò in diem alterum reiecit ex omnium sententia respondere; quod fecit officiosissimè, gratum aduentum disserens, grata monita salutaria, & imprimis gratam erga Fuldenses Pontificiam charitatem. Quæ item Legatus, peræquè facundus ex tempore atque à curâ, excepit oratione consentaneâ; & ea res admirationem auxit. Plurimi deinde instare per se, & per interpretes rogare, vt quæ dixerat Legatus exscribere, & in hunc modum faciliùs retinere semel & semper animis liceret. Quod quia non impetrârunt; ego eorum communi bono ac voto subseruire iam videar, qui parænetico huic sermoni publicam dedo lucem: nec Auctori à modestiæ colore, qui purpureus est, multum est quod verear; quia Hero suo non solent Aulici à Purpura vereri. Circumfusus Militibus, qui nouâ explosione plausum dedêre, in Arcem reuertit Legatus: in qua ei Princeps, Præpositi & alij primarij communi epulo assedere, & quidem hi semper aperto capite venerationis causâ: quod Princeps ipse conatus est sæpe; tanta infederat ei Sanctæ Sedis veneratio. Postero die in Templum retulit se Visitationem inchoaturus: & hîc venerabilis Eucharistiæ sedem atque ornatum idoneum primò; dein Principem Aram, ac minores alias;

alias; Sanctorum Reliquias; Vestiarium; vasa omnia sacri v-
 sūs ordine procurare. Domi exinde capita rerum disposuit,
 de quibus vnumquemque Religiosorum, orsus à Monachis
 priuatis, interrogaret; quod prælitit antemeridianis, & po-
 meridianis horis perpetuò, donec audiuerit omnes, vt in
 rem Abbatix decerneret sapientiùs. Itaque negotiosis die-
 bus mane à septima ad vndecimam, post quam celebrabat;
 rursus hoc agebat à tertia ad septimam horam post prandij
 refectionem. Pro qua, excepto primo aduentùs die, sterna
 sibi mensam in conclauī suo curauit; & oportuit vt Abbas
 Principem se esse obliuisceretur: neque enim tres missus, vt
 ille mandauerat, eosque opiparè varios submitti, Legatus
 passus est; sed patinas pauculas obsoniorum afferri, & statim
 mensam pomorum, aut bellaria; quòd exiltimaret, exem-
 plum hominis frugi à se peti primum debere. Festis diebus
 aliquando in Aede summā Sancti Saluatoris: aliquando in
 Templo Societatis Iesv, manè Ordines Ecclesiæ, quā Mi-
 nores, quā Sacros conferre; à meridie Chrismate pio alios
 inungere, donec instarent primæ tenebræ: & tunc nihilo-
 minus ad pagos suos Agmina plura cum vexillis, ita vt ad-
 uenerant, remigrauerē, quoniam dies operi defuisset. Porro
 in tam conferta multitudine, pauci ætatis primæ; plerique
 adulti, plurimi prouecti ac senes ex vtroque sexu erant. Non
 hīc omittam, Patres Societatis Iesv continuasse in Aedibus
 eos, quos in triuijs occiperant plausus dare aduentui lætis-
 simo Legati. Quin imò, si auderem, haud equidem Lectores
 fraudarem editione eorum, quæ stylo pereleganti dixere;
 siue cū in Collegio ipso, siue cū in Seminario Pontificio
 GREGORII Tertijdecimi triclinium præsentia suā, vnā
 cum Fuldensi Principe cohonestauit. Sed hæc secreti sui re-
 tinentissima tantū veniam faciunt, vt euulgem ea, quæ
 Nobiles Iuuenēs eorum discipuli parauerant, & dixerant
 palam ex ingenuo obsequio potiùs, quàm è subactō & peni-

tus ex culto ingenio, cui vtiq; formando in gymnasijs allaborant. Domi Patres oratoriè & poetice multa, gratulationesq; varias, linguis etiam peregrinis disertis, habuere; & Alumnus Pontificij, Conuictoresq; in Arca Seminarij, postquàm confederant Legatus & Princeps sub umbella, quam Pueri Nobiles quatuor sustentabant, Drama recitarunt, quod PETRVS ALOYSIVS inscribatur, & S. Petri patrociniũ erga B. ALOYSIVM GONZAGAM referens, cum Legati nomine pulchrè ludebat. Longum esset fabulam hic totam inferere; indicabo tamen quod ipsi tum initio communicarunt argumentum Actuum, scenarumque singulorum.

ACTVS I.

SCENA I.

DIVVS PETRVS suum in Aloysium, Aloysique vicissim in se commemorat obsequia. Causas clientelæ istius affert, suaj, cum in vita, tum post vitam beneficia Aloysio conferenda præducit.

SCENA II.

Marchio Ferdinandus honores à Rege Catholico impetratos sibi gratulatur: maxime vero latatur ob Filium primogenitum parvulum Aloysium. Mandatque aula sue Magistro, ut hic in lustratione exercitus sibi assistat, quod à teneris militia rudimenta condiscat.

SCENA III.

Præco Milites conuocat.

SCENA IV.

Marchio Milites suos ad fortudinem, fidemq; hortatur; illi vna voce fidem, vitam, sanguinem offerunt. Paruo deinde Aloysio militiam laudat, eumque leui armatura præcedere vult exercitum.

SCENA V.

S. PETRVS diuina consilia ab humanis disidere longissimè ostendens, alteri à se instituta militia per D. Ignatium, suæque Sedis, & Ecclesiæ deuota destinat Aloysium.

SCI-

SCENA VI.

Aloysius legens DD. Petri & Pauli epistolas incidit in illa Ephes. vi. Induite vos armaturam Dei. Anhelat ad hac diuina arma. Prodeunt cum Christo paruulo Vexillifero Angeli duo, alter præco, alter armiger, armatur Panoplia Apostolica.

SCENA VII.

Cubicularius Aloysij, & Aulicus virtutes præcipuas armatura designatas enarrant, atque commendant.

SCENA VIII.

D. PETRVS tubum opticum Aloysio philosophia studioso tradit (significancur ascetica exercitationes, quibus tunc temporis operam dabat) contemplatur per hunc nouissima, occurrente vario mortis indicij, extremi schemate.

ACTVS II.

SCENA I.

Cupido, & Amor diuinus de Aloysij Virginitate certant. Explosus Cupido fugit. Virginitatem suam Cælesti amori vouet. Adsumunt Angeli, & perpetua castimonia cingulo cingunt.

SCENA II.

Exortamur inter Aulicorum par contentionem, & duellum Aloysius oratione & auctoritate dirimit.

SCENA III.

D. PETRVS deliberanti de vita statu Aloysio præsto est. Exhibetur Regnum mundi & Christi. Proculcato mundo, Deo se tradit, docente S. Petro & oratione, & exemplo suo.

SCENA IV.

Magister aula Ephabos duos, cæteramque aulam ad percipiendam S. Eucharistia mysteria nomine, & verbis Aloysij hortatur; quorum alter Principis sui pietatem, aulamq; sanctissimam commendat; alter auersatur & omnia alia laudat.

SCENA

SCENA V.

Aloysius perceptâ in Assumptione Deiparæ Virginis Sacrâ Synaxi, lumen ad clarius cognoscendam Dei voluntatem, vocationemq, efflagitat, vocem audit ad alloquendû IESVM inuitantem, gratulatur sibi, exhibet se Christus formâ pueri cum odoramentis, & currentem in odorem vnguentorum suorum Aloysium post se trahit.

ACTVS III.

SCENA I.

MARCHIO, intellecto Filij de ineunda religione proposito, angitur; Aloysius copiam eius ineunda flagitat. Marchio asperè multa & iracundè tum contra Filium, tum contra Religionem loquitur. Placatio deinde cum Fratre Rudolpho ad visendos prius Italia Principes ac Duces cognatos ablegat.

SCENA II.

Venatio excipiendis Principibus instituitur.

SCENA III.

Hercules Tannus Princeps varia ad excipiendos magnificè Marchiones cognatos mandat. Nunciatur aduentus.

SCENA IV.

Adveniunt cum comitatu Marchiones; post mutuas salutationes in Aulam inducuntur.

SCENA V.

Symphoniarcha de tarditate musicorum queritur; post musicam Hercules Princeps Aloysium, qui provocatus ad choreas ex aula cesserat, inquit undiq, Inuenit tandem in oratione prostratum, virtutem demiratur.

SCENA VI.

Ferdinandus dolens Filij in proposito constantiam, adornare constituit, qui eum à sententia deturbent.

SCENA VII.

Dissuadetur Religio Aloysio & rationibus, & calumnijs; sed irritò eventus.

SCENA

SCENA VIII.

Marchio grauissimè dolens Filium vberimis perfusum lacrymis, ac prostratum humi in oratione, flagelluq; in se animaduertentem offendit, & ad se accersit.

SCENA IX.

Facit voti compotem Filium Aloysium Marchio. Ille alacer, & laus vale dicit Parenti, Aulicis, subditis non sine acerbo omnium dolore; Romam deductus à S. Petro excipitur.

Interludia fuere pyrrhicha, quæ miscellaneo motu ita regebatur, vt nobiles Pueri litteram vnā prægrandem in hasta ferētes, semel dum starent nomen ipsum Legati componerent; & iterum (post confusa omnia vehementiore tripudio) dum consilterent, redderent semper ingeniosum aliquod Anagramma; cuiusmodi vnum occurrit iam, dum animo hæc repetō;

PETRVS ALOYSIVS;

TV SALVS PIO ERIS.

quæ postmodum versu, cantu, & saltu gratulabundi orabant. Dramatis finem coronauit explicata eius ad Legati nomen allusio; in qua ita S. Petrus ad B. Aloysium;

En septem gemina septena cacumina Roma,

Vrbs Orbis Princeps, Imperijque caput.

Ingrederere, ô dilecte Cliens; tibi limina nostra

Ardua pando Vrbis PETRVS ALOYSIO.

Hic te per varios casus, per mille pericla

Deductum excipio PETRVS ALOYSIVM.

Hic te, dum viues, solita pietate Clientem

Conseruabo meum PETRVS ALOYSIVM.

Depletâq; colo Lachesis reserabo Beato

Templa beata Poli PETRVS ALOYSIO.

Amborum hic cineres nostros Vrbis conteget vna,

Vrbis sepulchri vnâ PETRVS ALOYSIVS.

F

Vna

Vna ambo Cali superis regnabimus oris,

Fortunati ambo PETRVS ALOYSIVS.

Denique nostra olim duo nomina conflabuntur

Principis in nomen PETRVS ALOYSIVS.

Atque hæc Adolescentes exploratæ, vt in Germania fit, nobilitatis aptè admodum in scena luserunt.

Verùm vt ad institutam Visitationem reuertar; in eam constanti labore incumbere Legatus, ita vt ne quidem animi causâ, vti sub vesperam fit, ad horarium saltem aliquod spatium egrederetur circa obiacentes Vrbi amœnas oras: nisi cum necessarius ei excursus fuit ad propinquos colles, è quorum leniter accliuibus iugis, instar Castri, prominent Abbatiæ Fuldensis antiquæ Præposituræ; nam & eas quoque inspicere oportebat. Interim Assleclæ Legati, quibus tantum supererat otij, quantum ei negotij tunc erat, liberius agri Fuldensis lustrare amœnitates; adire colles & vicinos saltus; prata gramine mollissimo strata pererrare; Fuldæ Amnem inuisere; & imprimis, vt tempus magis peritè fallerent, vestigare originem priscam loci, qui eos aspectu suo iucundo tantopere videretur eblandiri. De hac ego interferam, quæ didici; si priùs habuero in præcipuis, quæ ad Visitationis progressus faciūt. Hebdomades quatuor, accersitis ordine Religiosis, Præpositis, atq; ipsimet Abbati cōmodauerat aures Legatus, vt posset explorato statu Fuldæ sancti- tate opportunas leges, & priscos mores asserere. Ex eorū itaque examine vario, statutis Capituli, & legibus S. Benedicti cruit demùm decreta; quæ optimū factū ratus est, priusquam promulgarentur, cuique Religiosorum ordini communicare; vt hoc pacto eorum odorari sensus, & peruincere, si quæ oborirentur, difficultates fortiùs, feliciùsque posset.

Ijs priuatim cognitis, Abbas (quæ semper fuit in eo consuetudo sacris modestiæ famam exaggerandi) in tranquillo
erat

erat; Monachi etiam nihil ferè non probabant. Cum Decanus maior, & Præpositi misère Ministros Ordinis laicos tres, qui Legato renunciarent, plurima in decretis esse, quæ parum instituto ipsorum commoda integro Capituli consensu laudari non poterant; imò quia statum præsentem palàm euerterent, aut induci debebant, aut singulis fieri gratia votorum ab Apostolicâ Sede, & tribui pensionibus annuis certa pecuniæ summa dignitati vniuscuiusque sustinendæ. Legatus ad hæc mirari primò, à Decano & Præpositis ea responderi, à quibus expectasset potiùs gratiarum actiones; quandoquidem cum eis indulgenter egisse sibi videbatur, vt quæ ad normam antiquam penitus exigere mores eorum noluerat; contentus vtique, si formaret optimam posteritatem. Ceterùm singularia indicari mandat, quæ in decretis non laudantur; & spondet fore, vt si eorùm cogitata, consiliaque ratione apertâ non infringeret, voti compotes à se dimitteret. Redeunt altero die, & spatium mensium trium flagitant, vt meditationi dare Præpositi possint decreta singula, & deliberare communiter, quæ in rem Abbatia, aut secus facere videantur. Tunc Legatus, fatis intelligens per lenta & obscura quæri modos fallendi spes suas, & ad frustrandùm varias longasque misceri ambages; bidui periodum, nec plus, relinquit eis, vt si quæ clarè (quod aiebant) damnosa ipsorum conditioni fuerint, coram deducant in confessu, ad quem illos opperiebatur; alioqui decreta se indubiè promulgaturum, & vsurum personâ Legatis; neglectâ eâ, in quam spontè descenderat, amicâ legum ferendarum communicatione. Præpositi nec illud intentatum reliquere, vt Abbatis vocem flagitarent; si quo modo ipse Legato auctor esse aut posset, aut vellet, vt sanctiones illas supprimeret. Qui tamen ad ista; ego, inquit, quæ de me Legatus decernet, admittam obsequio magno; par obsequium in vobis desidero. Ergo ipsi, nullâ iam spe, Lega-

to adfuere omnes, & quædam capita rerum præcipua, conferendo, disputandoque mutuis agitauere sermonibus; Decano, qui dignitate, ingenioque ceteris longè præstat, causæ. patrocinate. Sed Legatus in duobus aut tribus consessibus ratione, auctoritate, atque oris disertis gratijs rem eo deduxit, ut cum circa pauca singulatim eis annueret, præcipua tueretur; & hæc eorum etiam affirmari impetrauit assensu. Vna iam supererat cura, ut priusquam decretorum tabulæ publicè proponerentur, aliquis Diuini Spiritûs voce singulorum corda præpararet, auresque disponeret. Aduenerat cum Legato Iacobus Marchant Sacerdos editis voluminibus clarus, & Ecclesiasticis munere diù functus cum laude Oratoris loquentis ad cor, & afferentis pondera non humanæ, sed cælestis eloquentiæ. Is itaque, pridie quam fieret decretorum promulgatio, in Templo ipso pro concione, coram Legato, Antistite, Præpositis, & cætu reliquo Religioforum in hæc verba dixit.

Obsecro vos, ut dignè ambuletis vocatione,
quâ vocati estis. *Ad Ephes. 4.*

IN hoc munere dicendi, quod mihi est iniunctum ab Illustrissimo Legato Apostolico, qui Religiosum & nobilem hunc consessum suâ conuocauit auctoritate, & suâ iam illustrat præsentia; de illis potissimum mihi differendum esse video, quæ spectant ad inclita domus nostræ antiquam gloriam; ut ipsa, quæ infelicium temporum declinui gressu ad occasum vergere videtur, nouo tandem feliciter possit oriente renasci, & sicut de Phœnice intermoriens dicitur, etiam è suis cineribus suscitari. Proponam vobis propterea non subtilia, sed vtilia; non diserta & erudita, sed fortia & efficacia; quæ non aures mulceant, & vngant; sed mentes excitent, & pungant, munerisque sui commonefaciant. Et quidem non mea erunt, quæ proferam; sed Spiritus S. verba, quia ex Scripturis sacris ea depro-

mam,

main, vt sint efficaciora. Optarimque hodie, vt Dominus exacuat
 & dirigat linguam meam, quasi calamus Scribæ velociter
 scribentis, vt in tabulis cordis vestri dignum aliquid valeat exa-
 rare. Optarim, vt ponat os meum, quasi gladium acutum, & Isa. 49.
 sagittam electam, cordis intima penetrantem: Sagittam salu-
 tis, qua vulnerando sanet, qua vlcus pungendo virus expungat: Gla- Heb. 4.
 dium viuum & efficacem, vsq; ad diuisionem animæ pertin-
 gentem, vt amputet omne amaritudinis germen; vt demetat omnẽ
 altitudinem extollemem se contra Deum. Exordior igitur, & Apo-
 stoli verbis vos alloquor: sed prius rogo, vt aurem mentemq; erigati.

Obsecro vos ego vincetus in Domino; vt dignè ambuletis
 vocatione, quã vocati estis, cū omni humilitate & mansuetu- Eph. 4.
 dine, cū patientia supportantes inuicem in charitate, sollici-
 ti seruare vnitatem Spiritûs, in vinculo pacis. Vnũ corpus, &
 vnus spiritus, sicut vocati estis in vna spe vocationis vestræ.

Præclara sunt hæc, & salubria Apostoli monita, & seriâ sunt consi-
 deratione expendenda. Fidelis sermo, & omni acceptione 1. Tim. 3.
 dignus; hi sunt igniti eloquij carbones ardentes, quos congerit su-
 per caput vestrum, ad cor quoque inflammandum. Hæ sunt Sagittæ
 potentis acutæ, cum carbonibus desolatorijs, quibus etiam cor Psal. 119
 durum transfigi potest. Expendite mecum singula.

Obsecro vos ego vincetus in Domino. Non carent pondere
 verba ista; quasi dicat; Obtestor, & obsecro vos per ipsum Domi-
 num, salutis vestra auctorem; per vincula, qua pro CHRISTO
 IESU eiusque Fide patior; per catenam, quã ob spem Israel sum Acto. 28.
 circumdatus; per sacratos compedes charitatis, quibus Domino
 æternum deuincior, vosque illi identidem deuincire peropto. Obsecro,
 vt ambuletis non quomodolibet, non per quamlibet viam, non quo-
 nius erroneo gressu; est enim via, quæ videtur homini recta, sed Prou. 14.
 nouissima eius ducunt ad mortem: sed vt ambuletis dignè vo-
 catione vestra, figentes vestigium per securam salutis, & æternita-
 tis semitam; considerantes circumspiciendè gressus vestros, quia latet
 tortuosus Coluber in viâ, Ceraustes in semitâ mordens vngu- Gen. 49.

las equi, vt cadat ascensor eius retrò. *Obsecro, vt ambuletis non secundum carnem, sed secundum spiritum* : si enim secundum carnem vixeritis, moriemini ; si autem spiritu facta carnis mortificaueritis, viuētis. *Obsecro iterum, vt ambuletis cum omni humilitate, solliciti seruare vnitatem spiritus in vinculo pacis. Si qui inter vos sunt nobiles, non despiciant ignobiles : si qui eminentes & superiores, non despiciant inferiores, quia membra estis eius-*

- Rom. 8. *dem corporis : vnum corpus, vnus spiritus, in vna spe vocationis vestræ, in eadem professione, sub eadem regula, eodem Duce, sub eodem vexillo militantes, ad idem brauium supernæ vocationis destinati. Hac est mens Apostoli, quam plenius ego iam explanabo. Inprimis dum vnumquemque hortatur Apostolus, vt velit dignè vocatione sua ambulare, satis insinuat in Ecclesia Dei diuersas reperiri vocationes, diuersos status, ordines, gradus : & horum unicuique certa seriè specialem obligationem insitam esse. Verùm sicut est diuersitas vocationum, sic est & diuersitas gratiarum : & sicut multiformis Sapientia Dei elucet in diuersis statibus, ac institutis coordinādis ; ita & multiformis gratia eius elucet in eo, quod copiosa subministratur unicuique gratia, vt possit sua satisfacere vocationi & annexa obligationi. Attamen quia aliqui huic gratia non cooperantur, arbitrij sui natina abutentes libertate, deseruntur à Deo : & cum possent in statu vocationis sanctæ promicare velut sidera præfulgida, permittunt se à cauda Draconis (de qua dicitur in Apocalypsi, quod tertiam partem stellarum spiris suis inuoluens è calo detraxerit) in vitiorum precipitia pertrahi, & in abyssum æternamq; perniciem deuolui. Examine igitur vnusquisque, an dignè ambulet sua vocatione, an non desit ipse gratia Dei, sicq; mereatur ab eà deserui. Nemo nimium sibi confidat, nimium præsumat, quia nullus est status aded sacer, nulla vocatio aded sancta, in qua non aliqui pereant culpa sua ; quia dum vocat Oriens, ipsi conuersi retrorsum attendunt ad Occidentem. Huius rei certius testimonium deprimere possumus ex sacris litteris ; volens etenim Dominus ostendere, quomodo ex vniuerso statu aliqui deserentes Deum, deserantur*

serantur ab illo, sic habet : erunt duo in agro, vnus assumetur, alter relinquetur : erunt duæ molentes in molâ, vna assume- *Matt.*
tur, altera relinquetur : erunt duo in lecto, vnus assumetur, 24.
alter relinquetur.

Hunc locum interpretantes Sancti Patres, inter quos D. Augustinus, dicunt hic designari tres status ; Saculares in coniugio ; Sacerdotes in clero ; Religiosos in claustro. Etenim qui in coniugio agunt, rectè dicuntur molentes in molâ : quia per diuersas curas & sollicitudines molam trahunt in circuitu, de sollicitudine in sollicitudinem pèrgunt, instabiles velut in versatili rota, aut in cæci Sampsonis mola. Quia tamen horum aliqui, etiam inter sollicitudines, Christiana satisfaciunt vocationi, assumuntur à Deo : alij quia nullam salutis curam gerunt, relinquuntur ab illo. Per duos verò laborantes in agro, designantur Ecclesiæ Ministri & Rectores. His commissæ sunt vineæ, agerq; Domini, & quia eorum quidam strenuè in illo laborant, arando, occando, ferendo, sarriendo, metendo, tanquam serui fideles intrant in gaudium Domini ; & ab illo assumuntur. Alij quia desidiosam, impiè & facinorosam vitam ducunt, & agrum sibi concreditum, propriæq; conscientia vineam negligunt, tanquam infidelitatis Rei, ergastulo concluduntur, & pœnis mancipantur æternis. Denique per duos in lecto ; Religiosus status insinuat *August*
in psal. 99.

tur ; cum enim status ille locus quietis esse debeat, in quo anima possit quiescere, Deoq; ac sibi vacare, rectè lecti nomen ei congruit. Attamen quia & vocationem hanc sanctam quidam parvipendunt, & dum in mentis solitudine cum Deo agere deberent, in sæculi virijs ac sollicitudine voluuntur & inuoluuntur ; non mirum, si sæculæ temporis, quàm religiosam vitam ducentes, si in diuitijs, & affinis eis vitijs iacentes à Deo relinquuntur.

Verum enimverò non exigui momenti res est, cum agitur de salute anima, de dispendio gratiæ, de æternitatis discrimine : non oportet salutem ad idè facili negotio exponere fortuna, nō oportet æternitatis ita incertam aleam iactare. Ided tam serid paternis visceribus monet, obsecrat, obtestatur Apostolus, vt dignè ambulemus nostræ quisque vocatione, ne excidamus à salute. Licet verò hac monitio

monitio ad omnes dirigatur, maximè tamen ad Religiosos spectat, quorum est semper ambulare, semper progredi de perfectione in perfectionem, de virtute in virtutè, donec videatur Deus Decorum in Sion.

Disertè dixit Hugo Cardinalis, quod & huic nostro congruit proposito; Aliqui ambulant cum Domino, hi sunt Pralati & Rectores: Aliqui ambulant ante Dominum; hi sunt pij Concionatores, viam Domino preparantes: Aliqui ambulant post Dominum, anima humiles & pœnitentes: Aliqui ambulant coram Domino, omnia opera sua ad eum referentes. Sed alij ambulant à Domino, propriam voluntatem sectantes. Alij contra Dominum, hi sunt obstinati & rebelles. Merito hic monemus vnumquemque cum Apostolo, vt consideret quomodo ambulet, vt saltem cum Domino ambulet, vel post Dominum, aut coram illo; nullo modo ab illo, vel contra illum: nec cuiuspiam contingat de illis esse, de quibus dicit Scriptura, quod omne iugum excutientes, tanquam pullos onagri se liberos natos putant, immò aduersus Deum pingui ceruice armantur, & currunt erecto collo.

Iob. 11.

& 15.

Optatim itaque vos seriò attendere ad vocationem vestram, qua duplex est: vna omnibus Christianis communis, per quam omnes professi sumus, nos Satana operibus, & pompis eius renunciare. Et vtinam vel hanc vt decet considerare, memores vestri cãdida nobis in Baptismo ritu solemni tradita, in symbolum candoris & puritatis, qua induti sumus relictis peccati inuolucris exitialibus, quamq; illibatam ad extremũ vsque spiritum conseruare obstringimur: memores quoque Cerei illius ardentis in manus nostras delati, qui signum est conscientia illuminata, quam nos oportet ad tribunal Domini nostri IESV CHRISTI deferre. Altera vocatio vestra, est religiosa primam perficiens, qua hanc priorem renunciationem per votum solemne confirmastis, coram Domino & Christo eius, totaq; Curia celesti. Per hanc de tenebris vos specialiter Deus eduxit in lucem, vt filij lucis sitis, & dignos fecit in partem fortis Sanctorum in lumine. Vocati igitur estis non ad vias seculi sectandas,

Col. 1.

festandas, non ad libertatem animas captiuam in lege peccati :
 sed ad disciplinam, castitatem, obedientiam, suauis Dei iugo ani-
 mas subicientem. Vocati estis non ad prodigendum patrimonium
 Crucifixi, sed ad seruiendum Deo viuenti. Vocatio vestra est, in
 castris IESU CHRISTI Imperatoris summi, sub vexillo Ducis
 BENEDICTI, contra Saranam & Inferni aciem, contra Prin-
 cipatus & Potestates, contra Rectores tenebrarum harum,
 fortiter dimicare. Nos omnes Christi milites sumus, sed vos sub
 talis Ducis Labaro, in prima acie estis constituti : ideoq; oportet
 ceteros antecedere, & fortitudinis exemplo animare. Eia igitur ô
 Milites Christi, induite armalucis, Galeam Spem salutis, Loricam
 iustitiæ & gratia, Baltheum castitatis, Scutum orationis, & qui-
 cquid aliud ad salutis panopliam spectare potest. Animant vos in-
 clyti Duces vestri, Benedictus, Bonifacius, Sturmus, aliq; qui etiã
 hoc in loco præclare & feliciter depugnarunt cum antiquo Serpen-
 te. Ipsi exemplo, & doctrina vobis præeunt, facem & lampada
 tradunt. Vobis adhuc nauigantibus, ipsi modo in portu, manum
 lucemq; tendunt, ne in syrtis, vada, vitiorumq; saxa incuratis, &
 neglecta vera disciplina via in naufragium æternum procurratis.
 Certè monent ipsi vos, vt vocationem vestram, professionem, regu-
 lam, votum, ponderetis : & id quidem non leuiter, non persunctoriè
 à vobis fieri volunt, sed in veritatis bilance, in sanctuarij pon-
 dere. Etenim vnumquemque appendet ille spirituum Pondera- Prou. 16.
 tor Deus (vt eum vocat Sapiens) in statera sua iustissima, qua nec
 falli potest, nec fallere. Vt, si quis inueniatur tunc minus habens,
 minus vtique ponderis & valoris, minus religionis, pietatis, obser-
 uantia, quam professio deposcebat : sic enim fiet, vt instar nummi
 reprobis reiciatur, igniq; tradatur. Attendenda est manus illa, ca-
 lamusq; scribens in pariete regio iuxta candelabrum, pauca ista
 verba, sed stupore plena, MANE, THECEL, PHARES. Licet Dan. 5.
 enim verba hac regum caput impetant, & ad Regem directas sint;
 tamen decretum continent omnes improbos concernens, quod eis
 terrorem incutere, erroremq; deberet excutere. Hac enim capita-

- lis eos manet sententia; numeravit Deus annos tuos, menses, dies, horas, momenta; appensus es in statera, & equilibrio, quod manus tenet diuina, & inuentus es nimium habere ponderis & valoris, quam à te exigebatur. Diuisum ergo est regnum tuum, anima à corpore, quod regebat diuisa, vt fiat vindicibus esca flammis. Durus est hic sermo, & quis poterit sustinere illum? Asperum planè verbū;
- Ioan. 6. sed si quis & à laqueo venantiū, & ab hoc verbo aspero optat liberari; appendat prius ipse seipsum in statera veritatis, & incorrupti iudicij, & attendat obligationem statūs sui. Neque ponderet hac solū iuxta stateram fallacem mundi, qua si frequenter nimium decipit ponderantem. Qua est enim bilancē, pondusq; quo mundus sua ponderat, nisi amor proprius, amor sui, & suorum cæcus? Fallax vtrique pondus, reprobæ est trutina ista; & illi conuenit verbum
- Oze. 12. istud Propheta; Chanaan in manu eius statera dolosa. Mundus Chanaan est, hoc est Negotiator, qui falso decipit pondere, grauiā apparere facit, qua sunt caduca & inania: è contra tanquam leuia astimari vult, qua sunt aterna. Plerique qui mouentur, vt vehnt pōdere, & attendere ad statū sui obligationē, vtuntur dolo saculi pondere: afferunt enim pretextus multos, excusationes, consuetudines inolitās, vsus, aut potius corruptelās, qua paulatim irreperunt. Folia sunt hac omnia, nec quicquam ponderis habent in bilancē diuinā; ficūs folia sunt, Ada perizomata, quibus velatur nuditas, libertas, turpitudine. Excute hac inania inuolucra; quisquis rectè examinare vis vocationem & obligationem tuam: statne faciem tuam ante faciem tuam, te ante te, sine adblandimento rectum iudicium obnubilante: nihil proderunt vela omnia libertatis, atque licentia, illo reuelante, qui nouit quicquid latet in homine, & quicquid requirit ab homine, pro diuersa vocatione, & professione.

Parcite mihi, si vt commisso muneri satisfaciam, liberius loquar, non vult apparere veritas fucata, sed natino suo colore candida. Appendite iu lance veritatis statum vestrum, & Ecclesia vestra, vt ad meliora vos impellat. Videte an FV L D A, qua olim fulgida fuit,

iam non sit fuliginosa. Vbi pietatis antiquus vigor? vbi disciplina
 sancta rigor? vbi trecenti, aut quadringenti Religiosi, qui caelestem
 hic vitam olim duxisse scribuntur? vbi stricta cum silentio claustra
 & familiaritas cum Deo? vbi sibilus aure tenuis, & susurri diuini
 loquentis ad cor? vbi studium sapientia ac scientia salutaris? vbi
 mutua meliorum charisimatum emulatio, & ad perfectionem ser-
 uens contentio? Nonne ita enanuerunt omnia, vt solum præteritorum
 remanserit honorabilis memoria, & pauca admodum vestigia?
 Describens grandem ruinam Prophetæ Isaias; Commineuetur, Isa. 30.
 inquit, sicut lagena figuli, conteretur contritione præualidâ,
 & non inuenietur de fragmentis eius tella, in qua portetur
 igniculus de incendio, aut hauriatur parum aquæ de foueâ.
 Ad eundem modum forsitan dicere quis poterit, tantam esse anti-
 qua FVLDAE spiritualem ruinam, vt difficile sit reperire fragmen-
 tella, in quo vel reseruetur igniculus de magno illo diuini amoris in-
 cendio, quo olim succensa cernebatur: vel quo hauriatur aliquid
 aquæ, de puteo gratiæ vbertim illam antiquitus inundante. Certè
 cum ego FVLDA cum FVLDA confero, nouam cum veteri, cuius
 fama apud cunctos percrebuit; illam à seipsa, toto vt aiunt celo,
 distare reperio. Et si dixero vt olim: Hæc est illa Noëmi; vide-
 tur mihi respondere, Ne vocetis me Noëmi, id est pulchram. Ruth. 1.
 sed vocate me Mara, id est amaram, quia amaritudine valde
 repleuit me Omnipotens. Plena fui, & vacuam me fecit Do-
 minus; cur ergo vocatis me Noëmi; quam Dominus humi-
 liauit & afflixit? Cumq; plenius eius statum circumspicio, & at-
 tentius considero, videor mihi audire vocem eius planctu plenam,
 & per verba Sapientis Iob suspirantem: Quis mihi tribuat, vt
 sim iuxta menses pristinos, secundum dies, quibus Deus cu-
 stodiebat me. Quando lucebat lucerna eius super caput
 meum, & ad lumen eius ambulabam in tenebris: sicut fui Iob. 29.
 in diebus adolescentiæ meæ, quando secretò Deus erat in
 tabernaculo meo. Quando erat Omnipotens mecum, & in
 circuitu meo pueri mei. Quando lauabam pedes meos bu-

tyro, & petra fundebat mihi riuos olei. *Vtrique Christus Iesus Mystica Petra, FVLDFENSI CONGREGATIONI, cum foret illa in primigenio suo flore, in prima sua aetate, fundebat abundans oleum gratiae; copiosam fundebat vñtionem charismatum spiritualium, quae eius alumni perfundebantur, & lauabant ac ungebant spirituales affectuum pedes. In diebus adolescentiae suae, luce quoque diuina omnimodis cinctam, persusamq; fuisse, testantur tot viri qui sapientia & sanctitate illustres ex ipsa prodierunt, & toto orbi innotuerunt. Speciali verò fauore circumcincta gaudens gaudebat in Domino; qui loquebatur ad cor eius, in secreto tabernaculo; & afflabat ei suauem spiritus sui auram in secreto silentio sonoram. Multi quoque eius filij in circuitu agebant, in circumvicinis Cœnobijs, seu Præposituris Domino seruientes, & Martiri obediētes. Quid enim vicini illi Montes, & Ascetaria, Mons B. Maria, Mons B. Petri, Mons B. Andrea, Mons B. Michaelis, Mons B. Ioannis? Quid inquam, nisi habitacula seruorum Dei, castra penitentiae, domicilia filiorum, Matrem circumdantium & circumspicientium; velut linea, quæ à centro ducta respiciunt centrum? Merito igitur ipsa dicit: Omnipotens erat mecum, & filij mei in circuitu meo. Merito & nos ob sacras illas in Collibus habitaciones, de illâ dicimus: Montes in circuitu eius, & Dominus in circuitu populi sui.*

Ad pristinos ergo felices illos dies, floridaq; tempora aspirat, quibus germinans germinabat quasi lilium, cum gloriâ Libani, cum decore Carmeli, & Saron, cum gloria Domini, quæ prius fuerat solitudo desertæ, & inuia. Neque desperandum est, poterit adhuc similes videre dies; si voluerint filij, quos genuit, audire vocem Matris plangentis. Mærore enim confecta est, quod sterilis sit, secunda olim mater filiorum timentium Dominum. Desolata est, quod videat statum, & decorem suum temporum decursu sic immutatum, & emaridum. Equidem dum eius statum, per varias saeculorum reuolutiones, ad hanc vsque ætatem decurrentem, secundum annales vestros perlustro; videtur mihi non absimilis statua

Nabu-

Nabuchodonosoris Regis, cuius caput erat aureum, brachia argentea, pollex arcum, tibia ferrea, pedum pars ex ferro, pars ex luto. Per caput designo primordia, siue prima sacula Religionis hic instituta; hac omnino fuit aurea, charitatis seruire, rutilo pietatis colore. Succedere sacula aliquot argentea, hoc est ob doctrinam, & sapientiam peritissimorum hic virorum, instar argenti splendida. Deinde resigescere charitate, neglectoq; sapientia studio, area sacula subrogata fuisse, in tantum scilicet a primario fulgore degenerantia, in quantum as degenerat ab argento, vel auro. Denique ferrea, & lutea sacula videre, & pati est coacta. An non ferreum saculum, in quo filij & subditi, Abbatem & Principem de reformanda disciplina cogitantem, coniunctis cum hæretica nobilitate viribus propria sede exegerunt? Immo per annos quinque supra viginti, exulem eum agere coegerunt; donec tandem Casarea potestate virgente, iterum inauitoratus est, & postlimino restitutus, vt ex annalibus vestris pernotum est. An non luteum saculum, in quo multi hic religione & Sacerdotio initiati, castrati libellum repudi dantes, infixi sunt in limo profundi, in concupiscentia luto immersi, & qui spiritu cœperant, carne sunt consummati? Eben qui debebant esse filij Sion inclyti, amicti auro primo, reputati sunt in vasa testea, & amplexati stercora. Quid igitur mirum, si EVLDA luctu paret, lugubremq; vestem, syrma funereum, instar Matris amanti, & lugentis, instar Rachelis plorantis filios suos, & nolentis consolari, quia non sunt? Deplorare mihi eū ea liceat ruinosum eius statum, & verbis Ieremia dicere; Quomodo obcuratum est aurum? mutatus est color optimus? Dispersi sunt lapides Sanctuarij per plateas? Quomodo pietas illa antiqua, instar auri rutilans, ardor, & zelus perfectionis religiosa, instar ignis flammescens, obscuritatem contraxit, & fuliginem? Quomodo color optimus innocentia, & puritatis, color ianthinus conuersationis celestis, viror disciplina & humilitatis, ita emarcuit? Quomodo illa, qua decore suo celestis Regis, spirituumq; supernorum ad se inuicem illucebat, susca nunc est, & decolorata? Illi qui debebant

Gal. 3.

Thren. 4.

Hier. 31.

Thren. 4.

bebant esse lapides Sanctuarij, lapides à Deo electi, & dilecti, quomodo in plateis Babylonis inveniuntur dispersi, in lato itinere mundi, corde & corpore vagi, iacentes in vitijs saculi? Et quid mirum, si fortè à transeuntibus proteruntur, aut conculcantur; si religiosi statùs dignitas, prout decet, non agnoscitur; quandò vitæ vocatiõni non correspondet, quandò in via lata & laetosa Religionem professi passim reperiuntur?

Verumtamen non ità insolitum videri debet, si aurum & argentum, praesentis & senio, rubiginem quandoq; contrahat & obscuritatem; si color speciosus antiquitate detritus, quandoq; deperiat; si aedificium etiam benè structum, vetustate collabasciat. Sic nec aded mirum, si Religio olim florens & rutilans, sensim deficiat à pristino flore, & splendore. Sed aurum obscurum & rubiginosum iterum igni traditur, ut clarescat. Imago decolorata iterum depingitur, ut species eius appareat. Domus collabascens fulcitur & renouatur, ne funditus concidat. Ita hæc sacra Religio nouo eget feruore, nouo Spiritus S. igne, scoriam omnem & rubiginem excoquente, nouo colore, vetusta maceria maculosas lituras obliterante, noua restauratione, ut ad primum decorè possit innotare redire. Ad hunc finem tendit Illustrissimi ac Reuerendissimi Legati Apostolica visitatio, qui totis visceribus charitatis anhelat ad vestram gloriam, ad vestram salutem, ad religiosa nobilitatis vestra decorem. Optat in domo ac religione vestrà adimpleri illud Domini apud Isaiam: O pauperula tempestate conuulsa, ad tempus ego derelinqui te, & in miserationibus magnis ego congregabo te. Disponam per ordinem lapides tuos, & fundabo te in Sapphyris: ponam Iaspidem propugnacula tua, & omnes terminos tuos lapides desiderabiles. An non id aptè ECCLESIAE FVL DENSE congruit? Videte id particularius. Fuit illa diues non tantum opibus terrenis, sed & donis ac charismatibus caelestibus; aedificata tanquam Religionis Sacra Basilica, & Arx Principalis, ceteris norma. Habuit fundamenta speciosa & pretiosa, Viros omni sanctitate conspicuos, Viros caelestes, quasi Sapphy-

Isa. 54.

Sapphyros & Iassides, qui lucem & virorem sapientiæ & pietatis,
 longè latèque diffuderunt Religionis eximij propugnatores. Filij
 eius erant quasi lapides pretiosi à Domino electi & sculpti, quia di-
 gitus Dei in tabulis cordis eorum legem sanctam insculpserat. Ve-
 rùm temporum variâ tempestate, Fulda & concussa est & conuul-
 sa. Terrena opes ex parte dilapse sunt & alienata, vt melius me-
 nostis. Et vitium qua remansere, in alios vsus non conuertantur,
 quam in eos, quos poscit patrimonium Benedicti & Bonifacij, here-
 ditas Crucifixi, mensq; Fundatorum, qui eas sunt impertiti. Opes e-
 tiam caelestes, maxima ex parte temporum iniuria cernuntur pe-
 rijsse. O igitur Paupercula tempestate conuulsa! Latherana tem-
 pestas plurimam tibi vastitatem attulit, & aliorum temporum cla-
 des, religioni sanctitatiq; tue damnum grauissimum infixit, cuius
 vestigia remaneant vsque modo deploranda. Sed nunc si volueris, in-
 quit Dominus, & nisi domus exasperans fueris, iterum disponam
 per ordinem lapides tuos, & fundabo te in Sapphyris & Iasside,
 sanctisq; propugnaculis adornabo: id est per ordinatam discipli-
 nam, per caelestem conuersationem, per recentis pietatis virorem,
 cupio te iterum innouare; & in pristinum splendorem renouare. At
 quomodo istud fieri poterit? Attendite quid idem Prophetæ dicat:
 Vocabuntur in ea fortes iustitiæ, plantatio Domini ad glo-
 rificandum, & ædificabunt deserta à sæculo, ruinas antiquas, Isa. 61.
 & dissipatas erigent, fundamenta generationis, & genera-
 tionis. Videtur his verbis quodammodo Prophetæ describere, qua
 modò geruntur in ECCLESIA FVLDENSI restituenda & re-
 nouanda. Vocauit etenim Reuerendissimus Abbas ad eam viros for-
 tes, vera iustitiæ sectatores. Accersuit ex longinquis Heluetiæ oris,
 ex nobili S. Galli monasterio, religiosa disciplina constantes amu-
 latores, & propugnatores. Aduocauit simul Tyrones, vt sint sicut
 nouellæ plantationes in iuuentute suâ, ad renouandam No-
 bilis Cœnobij huius senectam: ad glorificandum Deum, vt sint hi
 Filij Sion, qui exultant in Rege suo, & laudant nomen eius
 in choro. Ipsi zelo, & exemplo erigent antiquas regularis disci-
 plina

plina ruinas, monastica religionis deserta readificabunt: erigent electos viros, probos mores, iacentq; fundamenta generationis, & generationis noua Filiorum Dei, Filiorum Benedicti. Ad id eos exhortor, vt infracto pergant animo, primordijs iam bene tactis; vnâ manu adificent inſtar Filiorum Israel, alterâ pugnent contra hoſtes inuiſibiles, qui ſemper noui Spiritualis adificij ruinas moluntur. Pergant conſtanter Hieruſalem nouam, Ciuitatem pacis, & viſionis hic in terris conſtruere; donec tandem

Tunſionibus, preſſuris
Expoliti lapides
Suis coaptentur locis,
Per manus Artificis,
Diſponantur permanſuri
Sacris ædificijs.

Quis interim, niſi mentis ſit exaſperata, & exaſperantis, non debeat deſiderare labefaſtari ſpiritualis adificij ruinas erigi? Quis poteſt iuſte conqueri, capiti aut membri ſauciatis caſaplaſma, medelamq; adhiberi? quis inuideat hortam aut vineam Domini reparari, muro diſciplina circumuallari, ne tota ab incurſantibus animalibus deuſtetur: aut diligentius excoli, ne deserta ſylueſcant? In hoc incumbit Reuerendiſſimus Abbas, vt collabefcenti Religioni manum ſupponat, aut collapsam è ruderibus ſuſcitet, & ſtabiliat. Hoc ei cura, & cordi eſt, vt capiti & membri infirmis medela opportuna prouideat. Hoc agit, vt vineam ſibi commiſſam diligentè opera excolat, ne cogatur cum plantu tandem dicere: Filij Matris meæ pugnauerunt contra me, poſuerunt me cuſtodem in vineis, vineam meam non cuſtodiui. Qui ſunt Filij Matræ ſuæ, niſi vos eiufdem Eccleſiæ huius nobilis Filij? Nonne vos elegiſtis eum, & poſuiſtis cuſtodem Vineæ huius ſanctæ? Cur ergo modò velletis contra eum depugnare, & impedire, ne Vineæ fidei ſuæ concedita prouideat, & ſedulam illius curam gerat? Cur velletis ei obſiſtere, ne ſepem clauſura ſacra circumdet huic Vineæ, ne turrim diſciplina exadiſcet, ne diſſuentis & luxuriantis libertatis infelicia

Cant. 1.

cia germina refecet, & succidat; cum ad id teneatur, ne diuino ob-
 noxiis fiat iudicio? Cur vultis, vt culpam omnem in vos retorquere
 cogatur, & diuinum obtestari iudicium, ac dicere: Domine, si vi-
 neam meam non custodiu, Filijs matris mea culpam adscribe; ipsi
 pugnaverunt contra me, qui in vineis custodem posuerunt me; ipsi
 culturam & custodiam vinea mea impederunt, durâ suâ ceruice,
 ac rebellione. Verè hoc non expedit vobis, sed potius decet monitum
 S. Pauli attendere: Obedite his, qui peruigilant rationem red-
 dituri pro animabus vestris, ne gementes hoc faciant. Multi
 fortè pretextus, priuilegia, consuetudines, immo corruptela asse-
 runtur à vobis, ad obsistendum reformationi sanctæ. Sed omnia hæc,
 vt verbis scriptura utar, Vulpes sunt paruulæ, quæ demoluntur
 vineas. Capite nobis vulpes illas, euocate, suffocate, vt hæc Vi-
 nea Domini iterum possit germinare, efflorescere, odorem dare.
 Multa consilia, quæ contextis, sunt velut Vulpes Sampsonis, cædis
 colligata ad incendendam messem hanc, vel spem mesium. Vultis vt
 verbo omnia complectar, & apertius eloquar? Non potestis sine cri-
 mine, aut conscientia discrimine, pio conatu Reuerendissimi Pra-
 sulis obsistere: quinimmo opitulatricem, ad sanctum aded opus, tene-
 mini manum porrigere. Caput ipse est, vos membra: non oportet
 membra à capite discedere; sed ab illo influxum recipere, illi coope-
 rari, illi se conformare. Hoc est, quod ex Apostolo diximus: Vnum
 corpus, vnus spiritus; sicut vocati estis in vnâ spe vocatio-
 nis vestræ. Itaq; zelum domus Dei, Ecclesiæ, ac Religionis vestra
 cum eo induite, nec diuino vos iudicio reos obstringite.

Heb. 13.

Caut. 2.

Iud. 15.

Hoc exposcit à vobis Sanctissimus D. N. VRBANVS totis visce-
 ribus paternæ dilectionis; qui & expressè Illustrissimum Legatum
 suum ad id destinat, vt Pontificiam personam, auctoritatem, dile-
 ctionem vobis representet: & is, vt videtis, in hoc negotium sollici-
 tè penitus animo se impendit. Quinimmo FERDINANDVS Au-
 gustissimus Imperator ad vestrâ antiquâ aspirans gloriam, id ipsum
 suis litteris impensè commendat. Durum certè erit vobis contra
 stimulum calcitrare, contra icturnum coniunctum, resistere contra faciè

H

poten-

potentis, tam Dei, quàm hominis : & superuacaneus conatus est, consilium quod ex Deo est, velle dissoluere. Conquerentem audio de quibusdam Sapientem Iob, & dicentem: Ipsi sunt rebelles lumini, nesciunt vias eius, nec reuersi sunt per semitas eius: Si subito apparuerit aurora, arbitrantur umbram mortis, & sic in tenebris, quasi in luce ambulant. Quidam cum apud eos agitur de moribus corrigendis, de vita melius instituenda, de reformatione suscipienda, rebelles sunt huic lumini: quasi umbram mortis reputant, cum sit aurora quæ eis exoritur, ad dissipandam caliginem: nolunt reuerti per semitas lucis, nesciunt & repudiant vias eius, & sic in tenebris quasi in luce ambulant, impingunt & nesciunt ubi corruant, & tandem æterno precipitio colliduntur. Videte, & cauete ne de talium numero sitis, aperite oculos ad auroram & lucem, quæ iam affulget, & proponitur vobis, vt Filij lucis sitis. Hoc ipsum à vobis implorant tot viri iam beati, qui hoc in loco vos preceserunt, quorum ossa tanquam sacra Patrum pignora adhuc conseruatis. Hi exstimulant vos ad sua sectanda vestigia, & ad id imaginem vobis vita sua reliquerunt, tanquam sacram hereditatem, quæ frequenter mentis vestra oculis deberet obuersari. Audire mihi videor B. Bonifacium, sacrum familia vestra Parentem, auribus vestris iufonantem illud Sapientis: Nunc ergo filij audite me: Beati qui custodiunt vias meas. Nunc audite disciplinam, & estote sapientes, nolite abijcere eam. Quasi paterno affectu sic moneat: Nostis quæ via ad metam peruenerim, quibus gradibus ad gloriam conscenderim, quæ doctrinam & disciplinam vobis tradiderim? Si eam abijcitis & repudiatis, non est quod meum imploretis auxilium, vsurpetis patrocinium, deuoretis patrimonium. Etenim potius daturus sum contra vos acerbum testimonium. Clamabit coram diuino tribunali sanguis meus, pro fide Christi & religionis confirmatione profusus: dabunt vocem ossa mea sacra, quæ tanquam pignora Patris asseruatis, quæ vobis deberent esse monumenta veræ pietatis, & stimuli virtutis. Quod si negligitis, iam non ego Pater, nec vos filij; quia Patris vocem non auditis.

PETRI ALOYSII CARAFÆ. 55

Sed vereor, ne onerosus vobis nimium esse verborum meorum a-
crimonia videar, & ne veritatem pronuncians odiosus alicui forte
sim: nam & quandoq; agri insurgunt in eum, qui vlcus tangit,
etiam vt sanat. Attamen existimo vos legisse apud Sapientem: Me-
liora sunt vulnera diligentis amici, quàm fraudulenta oscula *PROV. 27.*
blandientis inimici. Concludo igitur, & vnum hoc breuiter re-
peto. Quicquid à vobis Illustrissimus Legatus in hac visitatione po-
stulat, id ipsum requirit regula, professio, votum, quod coram Do-
mino, & Christo eius, in atrio Domini, conscribentibus Calitibus,
obtulistis. Videte, ne vobis illud vertatur in laqueum, in ruinam,
in perditionem. Idem requirit mens, & intentio Fundatorum, &
Benefactorum, qui vobis aded amplum legarunt patrimonium. In-
terim, si ea quæ ordinauit, & ordinaturus est Illustrissimus Legatus
negligere, aut respuere vultis, vt suam ipse exoneret conscientiam,
cogetur vobis forti voce, & animo cum Apostolo Christi Legato di-
cere: Confessor vos hodierna die, quia mundus sum à san-
guine omnium: non enim subterfugi, quò minùs annuncia-
rem omne consilium Dei vobis. Cauete ne post discessio- *ACTO. 20.*
nem meam intrèt lupi rapaces in vos, & ex vobis ipsis exur-
gant viri loquentes peruersa, vt abducant discipulos post se:
hoc est, qui illectent prauis consilijs aliquos de gremio vestro, ad
euertendum, quod ad Dei gloriam est ordinatum. Sed meliora o-
minor, & precor: vnde sicut inchoauit verbis B. Apostoli Pauli, simi-
liter coronidem adjicio verbis B. Petri Apostolorum Principis sic
monentis: Quapropter succincti lumbos mentis vestræ, per-
fectè sperate in eam, quæ vobis offertur gratiam, in reuela- *1. Pet. 1.*
tione IESU CHRISTI, quasi filij obedientiæ, non confi-
gurati prioribus ignorantia vestræ desiderijs; sed secun-
dum eum, qui vocauit vos sanctos, & ipsi in omni conuersa-
tione sancti sitis, quoniam scriptum est: Sancti eritis, quo-
niam ego sanctus sum. Et si Patrem vocatis eum, qui sine ac-
ceptione personarum iudicat secundum vniuscuiusque opus
(non discernens nobilem ab ignobili) in itinere, incolatus vestri

tempore conuerſamini. *Hac* *Apoſtolus* *Petrus*. *Hoc* *ipſum* & *ego* *hodie* *à* *uobis*, *per* *veſtram* *ſalutem* *ſagito*: *per* *Ieſu* *Chriſti* *corpus* & *ſanguinem*, *in* *cuius* *conſpectu* *ego* *ſto* *coram* *eius* *ſacro* *Ta-*
bernaculo: *per* *viſcera* *miſericordiæ* *Dei* *patris*, *in* *quibus* *vi-*
ſitat *vos* *oriens* *ex* *alto*: *per* *pignora* *Sanctorum* *Parentum* *ve-*
ſtrorum: *per* *omne* *quod* *in* *calo*, *aut* *in* *terrâ* *pretioſum* *eſt*, & *ſan-*
ctum. *Nolite* *conformari* *huic* *ſæculo*, *ſed* *renouamini* *ſpi-*
ritu *mentis* *veſtræ*; *ut* *probetis*, *quæ* *ſit* *voluntas* *Dei* *bona*,

Rom. 12.

beneplacens, & *perfecta*: *odientes* *eam*, *quæ* *carnalis* *eſt*, *macu-*
latam *tunicam*, *ut* *ait* *B. Apoſtolus* *Iudas*. *Transit* *enim* *ſæculum*,
præterit *figura* *huius* *mundi*, *tranſeunt* *fluctus*; *manet* *autem* *lut-*
us *eos*, *qui* *illâ* *ſuerint* *innoluti*. *Et* *hac* *quidem* *ſperans* *à* *uobis*,
commendo *vos* *Deo*, & *verbo* *gratiæ* *ipſius*, *qui* *potens* *eſt*

Acto. 20.

ædificare, & *dare* *hæreditatem* *in* *ſanctificatis* *omnibus*. *Quâ*
uobis *impetret* *Diuus* *Pater* *veſter* *BENEDICTVS*, & *donet* *ille*,
qui *eſt* *in* *ſæcula* *benedictus*.

Sermo tam cordatus uſque ad pectorum ima peruaſit; ef-
fecitque, ut in animam diſpoſitam forma optima melius im-
primeretur poſtero, qui proximè cōſequutus eſt, die. Erat is
ultimus Menſis Iulij, Sacer Diuo IGNATIO Fundatori So-
cietatis IESU, idemque Natalis Illuſtriſſimi PETRI ALOYSII
CARAFÆ Apoſtolici Legati; & ut nihil ſupereſſe poſ-
ſe ad omen videretur, Dominicam 1x. poſt Pentecoſtem
ultimus clauderat; in qua ex Oraculis Euangeliorum audi-
ueramus ſonum lacrymarum Chriſti Domini flentis ſuper
Ieruſalem, quia non cognouiſſet tempus Viſitationis ſuæ.
Mandauit proinde Legatus omnem operam adhiberi, ut de-
creta, quæ inducta alicubi, aucta, & immutata erant (quaſi
res ſolent, quæ primùm in ſcedas diſtando elabuntur) ad pu-
rum exſcripta mundarentur, & digeſta ordine quæque ſuo
venultè referrentur in codicem; cui grande, uti ſit, ſigillum
apprimi, & Legati nomen adſcribi poſſet. Totus quantus
ferè fuit, tametiſi longiſſimus, ut in Canicularibus, dies ægrè
ſuſti-

sufficere potuit labori. Erant enim octoginta numero decreta, & pleraque longiuscula; ut circumstantias quæque suas exprimerent, ne in eis quidpiam ex forensibus formulis deesse contingeret. Porro placuit ea in quatuor diuidi classes, & primam Templo, eiusque procurationi; alteram Monachis priuatis; tertiam Præpositis; postremam Antistiti supremo dari. Longum esset hoc loco illa intexere: sicuti nec sunt admodum apta ijs, quibus hæc scribimus; ut qui haud debeant Monasticen profiteri. Ut tamen libem ex eis pauca: Templum veste omni, & ornatu iultrui iussum est; extremam enim gemebat sacrorum utensilium inopiâ. Sublata sunt altaria plura, quæ situ & quasi contemptu squaliebant, quæque semper laborassent numero suo. Ainserta est Princeps Ara in augustum splendorem; procurato lychno puriore, & magis decenti sede sacramento Venerabilis Eucharistiæ. Cautum est quoque, ut Sanctorum Reliquiæ cruerentur è vilibus inuolucris; & thoracibus argenteis, gemmatisque verticibus, vel certè loculis inauratis includerentur: ut pro variâ fectorum conditione in Aris collocari, & publicè coli possent. Castigatæ quoque in ipso Templo nudæ imagines; & nihil permissum, quod domum Dei, & domum orationis non deceret. Cænobitis, quibus aptatæ ad tempus cællæ interim domicilium præbent, designata est noui Monasterij aëa, quod iacto primo lapide ad fastigium usque magnificentissimè Abbas ære suo extruere meditatur; datæ pensiones annuæ, redditusque, quibus se & familiam alant. Proprij Tyrocinij est imposita necessitas, ne Tyrones alibi, extrâ maiorum suorum oculos, exercere se debeat in eæ vitæ Religiosæ primâ, & umbratili disciplinâ; & præscripta Votorum formula; quæ dein Religionis Candidati profitebuntur. Imprimis verò statutum illud abrogatum est, quo adigebantur Nobiles ad gradus sexdecim nobilitatis, per Auorum stemmata, deducendos; quæ lex Fuldensirei

magno erat incommodo; cum enim sæcula iam plura sint, ex quo Fuldensis Congregatio id moris vaſpat, vt quando ſupremus Antilles, aut minores Præſides creandi ſunt, Nobiles ſoli poſſint eligere, & poſſint eligi: ne fortè quis ortus obſcuris Parentibus ad Diuæ Auguſtæ diadema tractandum emerget; calculis adeo præſcæ nobilitatis arctabatur plus nimio numerus Nobilium, & fiebat neceſſariò, vt pauci, nec interdum optimi in Monaſterio Fuldenſi rerum potirentur, & ſuffragij ius haberent. Quare tantum ad gradus quatuor per lineam vtriuſque Parentis deinceps, vt olim, eundem erit. Præpoſitis adempta poteſtas teſtamenta conden- di, & abolitæ leges quatuor, quæ dudum id permiſere. Interdictus eis uſus byſſi, & hoſoſericæ veſtis, redditaque Monachi tunica & toga cum ſcapulari, & amiculo capitis, quem cucullum vocant: ne uè in Odeo impoſterum, qui admittentur, inter pullatos ceteros, candidati & linteati ſedeant, prohibitum eſt. Dimidium decimum ex prouentibus eorum annuis, vt ædificia præpoſiturarum tam Templi, quam Cœnobij, in quibus putrefacta omnia, imbribuſque & ventis peruiſa, labem aut monſtrant aut minantur, ſtatim reſtitui queant; & poſt ſuſtententur in eis Monachi iuſto numero; cum, ſi vnā præpoſiturā excipias, ceteræ ſilentio, & ſolitudine mæſtiſſimā lugeant. Denique ordinata eorum cœmitia ſunt, ita vt ad ea Decanus Maior, Abbate non conſcio, vel non permiſſet, paſſim cogere Præpoſitos nequeat; vetitum, ne merſare alieno audeant Chriſti patrimonium temerè prodigere; ſed famulorum turbam, equos, venaticos canes, faſtu non neceſſitate, domi aggregatos proſcribant; ac in fine anni, putatā ſummā expenſarum, rationem reddant adminiſtrationis Capitulo & Abbati; cui ita ſubijciantur, vt ſi oporteat, Præpoſiturarum excedere gubernaculis nutu eius debeant. Abbas ipſe, cuius mores egregij cunctis exemplar ſunt & norma vitæ laudatiſſime, nihil emendandum nouis

nouis legibus Legato dedisset, si posset certò ad successores
 cum Præsidis munere transmittere mores suos. Necesse ita-
 que fuit, tamquam non cum eo, sed cum Magistratu, quem
 gerit, ageretur, expensas ei plures & magnas, causâ restituenda
 rei Fuldenis præscribere, commendare Cleri copiosio-
 ris educationem pro Patriæ in orthodoxâ fide conseruatione,
 aut reductione; synodos, visitationesque frequentes, at-
 que in præcipuis Monasterij nouum statum; tamquam Pa-
 renti, & Tutori. Hæc & id genus plura in decretis; quæ
 magis fusè prosequi non vacat. Præparata omnia sub vespere
 erant, conuocatiq; (post Legatum, qui in præalto folio
 eminebat) Abbas, Præpositi, Monachi ordine confederant
 circa Aram Maximam; cum Scribæ Publico tradita decreta
 sunt, vt ex eius gradu superiore tractim & clarè recitaren-
 tur. Circumstantibus verò ex Aulâ, quotquot erant Nobiles,
 & multitudo varia Ciuitatis; auebatq; intelligere, quod per-
 optauerat. Dnm leguntur, præcipitauit se nox, & lector lu-
 mine adhibito, non priùs absoluit, quam sesqui-hora post
 primas tenebras esset iam elapsa. Dein alia decreta nescio
 quæ seorsim adiuncta sunt, cum præceptis & pœnis aduer-
 sus quorundam Monachorum contumaciam, qui Religionis
 signa deseruerant. Et tum omnibus perfectis Legatus, ita
 vt erat in toga Pontificia, procubuit in genua ante Aram
 Maximam, dum interim læto festoq; musicorum, & fidium
 sono, occurrentibus organis, Hymnus TE DEVM decantaretur.
 Adiungebatur his omnium campanarum strepitus, qui
 auditus à Turri Aedis primariæ, excitauit sacras Aedes alias
 Ciuitatis; vt tanto gaudio æreis etiam ipsæ vocibus accla-
 marent. Ad Arcem inde Legatus & Princeps in Rheda inter
 hastatos milites deducti cum facibus, publicè cœnarunt; in-
 terfuere autem epulo Decanus Maior, Præpositi, & aliqui
 ex primarijs; nevé ad lætitiâ bene cumulatam eius diei
 quidpiam desiderâretur, Phonscus cantu plurium, & al-
 ternatim

ternatim symphoniâco cōcentu cōnâ delitias temperabat. Sic more Germaniæ, etiam hunc imperatæ, & acceptæ Reformationis consensum solemnes epulæ, haustusque mutui, sed sobriè & innocenter propinati, celebrarunt. Propiores diei, quam Vesperæ, sublati mentis, ad cubicula secessimus læti, felicem exitum vicissim gratulantes: sed deliberato perendie discessu ab Illustrissimo Legato, cum eâ cogitatione solliciti quievimus. Fuldâ non digrediar, nisi contexam hîc narratione breui, quæ de tam cultâ Regione, & Principatu peruteri didicimus. Lucus inter Thuringiam, & Franciam finitimas oras obscurus olim, sed qui apertus Cælo, & datus moribus cælestibus, pulchrè ad famam enituit, fuit eius natale solum. Occasionè præbuit Carolomannus Caroli Martelli filius, & MAGNI Patruus; etenim is, & Pipinus frater, altæ providentię Duces, rati Saxones diu contumaces, nunquam ad officia certa venturos, nisi Religione mitigarentur, cum verè pietas fundet principatus; habuere in præteritis arma, & deliberarunt de expeditione sacrâ ad ipsos destinandâ. Spe itaque fore, vt remitteret diuino cultu temperata barbaries, & vt assidua eorum, aduersus Thuringiæ, atque Hæsiæ populos Francorum clientes, arma cessarent; BONIFACIO Moguntia Archipræsuli, & Sedis Apostolicę in Germaniâ Legato, viro sanctissimo, Principes pij consilium aperiunt. Dignus ille, cui tantæ victoriæ moles inniteretur: quia Monasticen in Britannia, vnde ei genus, à pueritiâ coluerat, & huius decreuerat, Magister iam, Gymnasiû pandere; quasi vellet castra figere Militiæ, vnde in Saxoniam excursus, Deo sacrati homines, haberent. Peropportunè autem Româ sub hoc tempus redierat; & Noricos fines prætergressus, delectû ibi inchoato, cum pauculis Sturmii natum claris, & Christianis Parentibus adduxerat. Sturmio ergo, post edita sanctitatis clara documenta, vitamque Anachoretæ cum laude aliquandiu traductam, mandauit Boni-

Bonifacius, vt sedem Cœnobio aptam inueniret; Nemusque placuit, quod sparsis radicibus spontè occupauerat plurima fagus; & hæc Regioni, dicta vulgò apud Teutones Buchen, indidit Buchoniæ nomen; Monasterio autem (& Ciuitati perindè) Fulda propinquus amnis alluendo vocabulum fecit. Arcæ descrip̃a, Carolomannus rogatu S. Bonifacij è saltu obiacente concessit Sturmio fundum mensurâ passuum trium millium, quâquâ versûs, ad Ortum, ad Occasum, ad Austrum, ad Boream. Quæ verò postmodum Regio succreuit, Buchonia fuit tangens à Septentrione Hafsiam, à meridie Franconiam, ab Oriente Saxoniam, atq; Thuringiam, ab Occidente VVederauiam, & Hannouię Comitatum. Annus fundati Cœnobij fuit septingentesimus quadragesimus quartus, in quo Sturmius ad initia septem dumtaxat Monachos: & ante obitum ampliùs quadringentos numerauit Antistes omnium æuo, & sanctimoniâ primus. Submiserat plurimos Bonifacius, deuocatos ex varijs oris, & præsertim ex Britannia; qui quantum à diuinis laudibus, & Religionis munijs subcesiui erat temporis, nemori succidendo, explicandoque intenti, euulsis truncis mansuefacere humum; æquare agros: noualia curare, & vndique aptare omnia vel habitationi, vel frugi. Non omisere tamen prouinciam aliam potissimæ destinationis: nempe vt in Saxoniam migrarent cum vexillo Fidei. Siquidem in eam adlectis præstantissimis Sturmius cū CAROLO Magno peruasit, & demum expugnatâ Idolomaniâ, lucratus gloriosam appellationem, fuit Saxonum & Thuringorum Apostolus nuncupatus. Ex quo, anno Salutis millesimo centesimo trigesimo nono ab INNOCENTIO II. in Lateranensi Oecumenico Concilio, in præmium sanctitatis decorari Diuorum Apotheosi meruit. Bonifacius tamen decem annis à condito Fuldensi Cœnobio, pro Religione in Frisia passus, Apostolatui & infulis, Martyrij purpuram addiderat, cuius

triumphalis corporis exuuiæ, miraculo Fuldæ deportatæ, venerationem loci plurimum auxere. Ne manerent Ultraicci, campanæ Urbis sponte monuerant; & cymba eas, quasi remigem dedignata, Moguntiam sponte item aduexerat v. Julij; trigelimo die, quàm in agone Martyr occubisset. Ibi extis politis, & veluti dispensatis opibus, Fuldæ deuenit S. Bonifacij corpus, vt miraculis eam collustraret. Visuntur autem hodieque cranium eius, mitrati Præfulis thorace argenteo decenter clausum, lineus amictus, manipulus, stola, annulus, cingulum, Pedum simplici opere, velut eburneum; atque adeo codex in martyrio discissus, itaque cæsim laceratus, vt scripturam tamen plaga non læserit. Creuit verò exinde loci religio; & Templum, quod ipse Sanctus Bonifacius apud Fuldæ amnem exili, neque satis firmâ molitione posuerat, quasi rudis, & prima descriptio fuit, quam cultu magnificentiore posterius sæpius occuparunt; tametsi repetitis ignium, ac bellorum damnis excitatæ moles non semel prouerint, successæque fuerint ab ipsis propè fundamentis. Sic ab incendio, quo anno salutis nongentesimo vigesimo septimo conflagrauerat, nouis operibus restituta Basilica Fuldensis Adamari Abbatis sumptibus, fuit Calendis Nouembris anni DCCCC. XLVIII. à Marino Legato Apostolicæ Sedis dedicata, præsentè OTTONE Magno, qui miris priuilegijs Monasteriû ornauit. Eâ porro frequentarunt non raro Imperatores alij, atque vt produnt Abbatum vetera monumenta, anno millesimo decimo nono, etiâ Romanus Pontifex BENEDICTVS cum HENRICO Imperatore, duo supremi totius Orbis Christiani Principes, præsentia suâ ipsam exhilararunt. Et tùm in Festo Apostolorum Philippi & Iacobi, Re diuinâ Pontificiâ Maiestate inchoatâ, dictoque Euangelio, Archidiaconus Romanus iussu Benedicti vetera Ecclesiæ huius priuilegia, coram HENRICO, & Procerû frequentia legit; quæ Pontifex auxit, & nō-

& nouis diplomatis confirmauit. Non aliter creuere res,
 & structura Cœnobij. Principio modicis tectis, & victu la-
 boribus parto Religiosi vixerunt. Post iactæ moles, quibus
 non vtilitati modò, sed elegantia, ac magnificentia consul-
 tum. Situs apertum habuit occidentis latus, & septentrio-
 nariam plagam ad probata Aquilonum flabra; noxium Au-
 strum collis excluderat obiectus, iacebatque vndique so-
 lum pratis, pascuisque iucundum, & irriguum. Vetus do-
 micilium ad meridiem, quâ parte iam ex Oppido aditus in
 Basilicam est, nouum ad occidentem ædificauerunt, vt Reli-
 giosi habitarent propius ad Bonifacij Sancti Conditoris cor-
 pus; & in colle ad meridiem Abbas proprias Aedes, oppi-
 dumque, suo & aduenarum commodo, extruxit. Multitu-
 do ingens fuit aduenientium ex omni ordine & sexu, vt se
 hic (samâ disciplinæ inuitante exteros, vicinosque) diuino
 cultui addicerent; & grandi stipe erogata, tributisque pro-
 prij patrimonij fundis Monachorum institutum piè, san-
 cteque profitebantur. Sicut autem Bonifacius, & Sturmius
 viros, ita mulieres instituerat, rexeratque Lioba virgo san-
 ctissima, quæ ex VVimbrunensi Monasterio à sancto Boni-
 facio accersita, ad Virginitatis hic pœnè extinctæ decora
 sexum scemineum excitauit. Quare copiâ quadam sancti-
 moniæ factum est, vt nò vnus tametsi magnis Aedibus com-
 preheusi, paulatim infederint propinqua loca: & sunt mi-
 ratî vicini colles repente ijs impleri se, qui diurnâ, noctur-
 nâque prece personarent, immolarentque Deo sacrificium
 laudis. Itaque breui factum est, vt Aedes Primaria, quin-
 que Monasterijs super colles & montes in eius conspectu
 positos excitatis, pulchrè coronaretur; quæ Præpositos, &
 Magistratus à Principe Cœnobio, sicut & ab Abbate ius, &
 leges accepere; atque his, qui erant illorum Præsides, sua in ma-
 iore Congregatione prærogatiua, repetundæque stationis
 libertas semper mansit. Subiecta item illi fuere alia Mona-

littera circiter decem; & iucundum erat, tot familias coalescere in vnam quasi rempublicam hominum piorum: sed ex his duo tantum iura huius Monasterij iam agnoscunt; cum reliqua octo Abbati quæque suo pareant. Similiter à Virginibus eiusdem Ordinis habitabatur Cœnobia nouem; sed tria dumtaxat in Fuldensis Ecclesiæ potestate, ac solo supersunt. Disciplinam Sturmius ex Italiâ tulerat, acceptis legibus Ordinis S. Benedicti è Cassinensi monte, ad quem consultò missus in eum finem à Sancto Bonifacio fuerat. Vitæ modus erat prisce seueritatis: abstinebant carne, vino, & sicerâ, stetitque victus ratio intrâ hos fines; nisi regio Cæli non mitissimi Ludouico Pio auctor fuisset, vt à Gregorio Pontifice Monachis lenius indultum obtineret; nec ij cessassent à laude instituti primæui, nisi legis gratiam fecisset legum summus Arbiter. Cœnâ quoque Monachos toto anno caruisse (incertum ob abstinentiæ studium; an ob angustias rei familiaris, spatio sæculorum, & Abbatum incuriâ vaneſcentis) lego inter res gestas Marquardi Abbatis huius nominis Primi. Is enim in scripto rerum suarum commentario, census peculiare affirmat se annuos designasse, quibus vesperi Religiosis Fuldensibus cœna, quâ semper caruerant, pararetur. Et fuit hic inter Antistites ordine trigessimus sextus, cœpitque Monasterij gubernaculum anno salutis millesimo centesimo quinquagesimo. Absque seruis etiam diu Monachi sibi alimenta ipsimet ministrarunt, Apostoli exemplo laborantes manibus suis; fuereque amictus, habitusque Sancti Benedicti longo æuo retinentissimi, quod exemplo proditum est anno Domini millesimo ducentesimo octogesimo octauo. Etenim Marquardo, qui alter huius nominis Abbas ordine quadragesimus nonus fuit, (quoniam habitu monastico non vsque delectabatur,) in publicâ supplicatione primores Monasterij vel inuito vestem religiosam, & cucullum, magno cum rubore, iniecerunt

runt, coram frequenti populo; ademptâ togâ lautiorē sufful-
tâ pelliculis, quâ utebatur, & quam ponere aliàs monitus
recusauerat; sed enim correctio hæc secreta meliùs audiuiſſet.
In peruetuſto membraneo codice pingitur Cœnobarum
huius Monaſterij habitus duplex, alter tunicato ſimilis, &
is familiarior; alter qui togatus, latus, ac fluens ſermè inter
diuina, vel ad publica munia uſurpabatur. Quamdiù ordi-
nata, & conſtans vitæ forma eos rexit, ſanctè clauſtris conti-
nebantur; & ne humana fragilitas, ſi ijs quali carceribus non
cohiberetur, in prauum irer, nullum cuſtodie genus abundè
ducebant. Litterarum etiam addidere præſidium, quæ ani-
mæ latus egregiè muniunt aduerſus Dæmonis, Mundi, Car-
niſque blandas, & cæcas artes. Priuſquàm verò doctrinæ co-
pia domi ſuppeteret, delegere ingenia primæ indolis & ſpei,
quæ aliò, ut ſapientiam haurirent, emittebantur ad ſtudia,
referebantque eruditionis famam. Poſt acciti ex Inſulis
Britanniæ ſunt Viri ingenuarum, & ſacrarum diſciplinarum
laude præſtabiles, qui in opaca hæc intimæ Germaniæ ne-
mora, omnigenæ litteraturæ lumen inferentes effecere, ut
quicquid hic erat ſtuporis & inertie, extirperetur; & ſic
Auctoriſus ſuis Fulda quoque illuſtris fuit. Horum du-
cta ſeries eſt à Bedæ Diſcipulis, docuitque aliquandiu Ful-
dæ Albinus Flaccus CAROLI Magni inſtitutione clarus;
poſt quem è Sapientum exedris opes ingenij explicarunt
uarij, plenis ſubſellijs Auditorum, qui conſluebant ex totâ
Germaniâ, Galliâque. Habiti verò ſunt inter primos Hai-
mo, Vſuardus, Freculphus, Rabanus, Hatto, Luitbertus,
magna nomina ſæculi, in quo non ita elato ſupercilio, ſicuti
iam, Cenſores ingenia ponderabant. Tanta virtus, & ſa-
pientia pari grefſu cum felicitate ibat, cui nihil ad vota de-
fuit, ſue honores, ſue opes & potentiam ſpectes. Domus
Religioſa Fuldensis, in quâ ſubmiſſionis ſtudiû cuſtodem,
& quaſi Ianitorem agebat, non potuit eſſe diu honori clau-
ſa;

sa; quia honorem eundem, quem affectu respuebat, quodam principatu morum, & priscæ virtutis merito accersere comperiebatur. Antè annos, ampliùs, quingentos litteris Richardo Abbati à IOANNE Pontifice datis appellata est ROMANÆ ECCLESIAE FVL DENSIS FILIA SPECIALIS; donoque insuper, velut Ciuis Aeternæ Urbis, accepit cum arcâ & prædijs Monasterium Sancti Andreæ, iuxta Basilicam Sanctæ Mariæ ad Præsepe. STEPHANI Papæ priuilegio soli Sedi Apostolicæ subiecta declaratur, ita vt Episcopus nullus in Monasterio Fuldensi, nisi inuitatu Abbatis, celebrare possit. Qui Abbas accepit semper à supremo Romano Præsidente sacri honoris munimenta, ab eoque infulis, & insignibus ornatus, potestaté habuit procurandi rem diuinam, cum Cydari & annulo, in dalmatica & sandalijs. Sessionis quoque honor ei per omnia Germaniæ, Galliæque Monasteria cum titulo Primatis obuénit, additumque est à SILVESTRO Pontifice nominatim, vt totâ Germaniâ in eis publico conuentu primum ordinem sedendo, iudicando, consilium habendo tueretur. In Imperio autem sedendi honore celsit Episcoporum nemini: nec desuere Abbates, qui priuatâ humilitate potiora ducentes ornamenta, Regum & Principum concessu Religioni tradita, sæpe ea propugnarent strenuè, & vicere cum gloriâ. Romæ (vt omittam de Episcopo Hildesheimensi) dum LOTHARIUS Imperator ab INNOCENTIO Imperij diademate ornaretur, Fuldensis Abbas Archiepiscopo Magdeburgensi, ortâ de loco contentione, præfedit. In Conuentu Moguntiaco item, anno millesimo ceteresimo octogesimo quarto, hoc honoris fastigium adiudicatû ei fuit, præ Archiepiscopo Colonienfi, à FRIDERICO Aenobarbo. Fortasse quatenus, sicut Archipræsul Moguntinus Archicancellarius Imperatoris, inter Antistites & Proceres reliquos primus sedet; ita sedendo Fuldensis Abbas Archicancellarius Augustæ, Cæsaris occuparet alterum latust

tus. Certè hoc munere Archicancellarij ante annos quadringentos enituit, quod in CAROLI IV. diplomate Henrico Abbati, anno millesimo trecentesimo quinquagesimo octauo, stabilitum fuit, additumque insuper est, vt quoties Imperij Romani Augusta vel Regina cingi diademate, vel purpurâ indui, solemni ritu debeat, Fuldenfis Abbas cor ornâ deponat, & eam rursus vertici reddat. Iura demum Regalia, quæ vocant, habuit semper, vt quisquam alius in Imperio Princeps; nec defuit ei Principis iurisdictio; nam in Oppido Fuldenfi, vicinisque pagis subiectæ Patriæ, summum imperium exercuit vitæ necisque. Aulæ quoque splendorem aluit, habitans Arces cum propugnaculis, & circum se ministerij causâ ex equestri nobilitate, ex Comitum, Ducumq; stirpe Clientes videns, Aduocatos, Camerarios, Pincernas, Dapiferos, Vexilliferos. Extat medio paui mēto Aedis primarię lapis, quasi circino circumducto aliquatenus in gyrum eminens, in eoque ex ære fusæ manus quatuor æquali spatio in totidem plagas collocatę visuntur, indice & medio digito iurantis in modum exertis, duobus verò infimis conclusis. Monumentum id ex famâ, & traditione veterum passim interpretantur, quatuor Prouinciarum Thuringiæ, seu Habsiæ; VVederaviæ; Saxonix; Bojariæ debita huic Ecclesiæ sacramenta præstantium. Ita vt notetur inde, Magnates earum Principesque, hac iuris iurandi formâ, ei se fidemque suam olim obstrinxisse, defensionemque illius professos esse. Porro patrocinijs magnis indigebant opes, & fundi copiosi, ex quibus Monasterium Fuldense prædiues adeo excreuit, vt vel sub ipsis primis exordijs mole fatisceret sua. Aucto numero Monachorum aduenarumque, non ita multo post à condito Cænobio; cæptæ foris in omnem partem deduci Colonix, & propinquis agris Cællæ exâdificari; in quibus Religiosorum annona seponeretur, condereturque quidquid è prædijs, fundis, & villis annuè colligebatur. Et quo-

quoniam has cellas Religiosi Patres-familias habitarent, ornari aris Templisque debuere: vt qui ex eis Præfecti annonæ ibi morabantur, locum ad pias preces non desiderarent. Certa deinde pensio Cellis singulis tributa: omnesque mansere Primigenio Monasterio subiectæ. Singularia, quæ olim Fulda possedit, spatia terrarum vestigare, & complecti hoc Breuiario velle, audax calami adeò contracti sane facinus esset; cû Christophorus Brouuerus scriptor Societatis Iesv, qui iusto volumine Fuldenses Antiquitates operosè iuxtà, & eruditè prosequutus est, vbi huc in Historiâ ventum erat, dixerit; *Magna nanis tabulas non omnes, sed enatantes, quâ licuit, arripuimus; relictis in medio quoque fragmentis nonnullis, hand gnari penitus, quem locum in hac olim compage tenuerint.* Quare ego solummodo complectar ea, de quibus adhuc supersunt diplomata, vel documenta: & à reliquis, vtpote incertis, abstinere perinde, atque religio est post tempestatem in indignati gurgitis littore arripere bona naufragorum. Exiguum initio loci patrimonium, & spatium agri angustè in quadrum euntis, vt irent Cæli plagæ, Regum liberalitate tantum deinde tenuit terrarum, nemorum, pascuorum, & aquarum; præter Fuldam amnem, & cognatos riuos minores pisce prædiuites, vt saltuum fines per famosissimam Hercyniam late diffuderit; nemora, venatu ferarum, & saginâ perquàm vtilia, immensa possederit; villas, coloniasque rusticas innumeras totâ Thuringiâ, Boioaria, varijs trans, & cis Rhenum aruis habuerit: ex quibus tantum importabatur annonæ, vt Fulda Populos nutrire, tectis continere, & tegere vestibis abunde posset. Pâuca, sed potiora accenseo. Primum solum vndique Cœnobio propinquum, vt dixi, donauit Sturmio Carolomannus; qui ad ceteram liberalitatem erga præclarissimū Ordinem Sancti Benedicti, hoc etiam addidit, vt ex Domino postmodum fieret in eo Monachus, tantæ demissionis, atque virtutis, vt Abbatis iussu

su greges loci pasceret is, qui Populos rexerat, & claudican-
 tem ouem ad caulam humeris referret, qui regnorum pon-
 dera sustinuerat. Pipinus Rex huius frater eidem Sturmio
 pagum Onumstadt attribuit, qui ad fiscum Regium pertine-
 bat. Ab excessu Pipini CAROLVS filius cognomēto Magnus,
 ubi ad Franciæ sceptrum peruenit, Sturmio item possessiones
 longè plures, & inter has Hamelburgum dedit, iam oppidi
 specie in Germaniâ satis notum. Vnum hic non sileo, quod
 his, qui de loco Nataliū CAROLI Magni tanti syderis cer-
 tant, vt non ignorent Gallica & Teutonica Natio, vtram is
 illustrauerit ortu suo, compertum esse oporteat. Est in an-
 tiquis codicillis Abbatix Fuldensis CAROLI donatio in ea
 uerba, quibus planè eius conceptionis origo prodi videtur.
 Nam inter alia; *Donamus, inquit, & contradimus Domino No-*
stro Saluatori, Sanctoq; Bonifacio Martyri, qui in Fuldensi requie-
scit Monasterio terram conceptionis nostræ; hoc est totam compro-
uinciam, circa flumen Vnstrudt, ipsamq; chortem nostram in Var-
galaha, cum omnibus compertinentijs suis, & cum omnibus villis lon-
gè, vel propè positis, quæ ad eam respiciunt; cum omni proprietate;
sicut eam nos à Parentibus nostris in proprietatem accepimus. Per-
 hibent autem prisce ætatis homines, Pipino, dum illic cū S.
 Bonifacio in eadem chorte ageret; diuinitus indicatū; Ma-
 gni CAROLI ipsum, hoc est sobolis augustissimæ, felicē fu-
 turum Parentem. Adhæc Emehilta CAROLI Magni cognata,
 secessione facta ex Parthenio Cœnobio, quod sibi, & sa-
 cris alijs Virginibus ædificarat in loco, qui Mileze nuncupa-
 tur; ob frequentes eruptiones Barbarorum ex Boemiâ, ad
 Monasteriū S. Liobæ demigravit, deditq; Abbatix Fuldensi,
 cum extructo priore Cœnobio ac Templo, prædia quinquaginta
 quinque, quæ loco illi addixerat; & donationē CAROLVS
 MAGNVS anno octingentesimo confirmauit. HEN-
 RICVS SANCTVS Romanorum Imperator Augustus, hor-
 tatu piæ Coniugis Chunigundæ, addidit Comitatum Stod-

denstadt. Tagolphus Comes Boemus Regionem suam, id est Prouinciola[m] sitam iuxta fines Boemiæ, Monasterio Fuldensi consecrauit; & hæc pariter CAROLVS MAGNVS, anno octingentesimo primo, firmauit annulo suo. Hertacus Princeps Saxonix, stirpe regiâ prognatus, Fundos maximos duos legauit, imperante OTTONE Rufo Magni OTTONIS Filio. Ante hunc, Comes alius Saxonicus Nomine Bennith, Amalunco Parente defuncto, quicquid terrarum is in Buchoniæ saltu nouando, serendoque ad vberem cultum perduxerat, factus heres, annuente CAROLO MAGNO Fuldensibus, & Sancto BONIFACIO dicitur. Porro agri exculi tantum erat, ut duas eius longitudo, totidem latitudo, & circulus leucas magnas sex ambiret circa Visurgin. Ex OTTONIS II. diplomate constat Adelbertum Archiepiscopum VVerinhario Abbati cefsisse fundis, & omni iure, quo Magdeburgensis Ecclesia in Australis Thuringiæ prouincia, & Comitatibus Salzunge, Cruciburgi, atque alibi terrarum potiebatur. ERKAMBERTVS locupletissimus Præful, è Saxonice agris addixit Deo, & S. Bonifacio innumeros propè fundos; de quibus hæc vetus membrana; numerus Mancipiorum, ducenta quinquaginta tria; Villarum, viginti tres; Prædiorum, centum septuaginta. Sed cum præstet, ut omittam HATTONIS Moguntini Archiepiscopi, & Regni Cancellarij amplam donationem factam regnante LUDOVICO in palatio Triburiensi, & plures item aliorum Antistitum; ne epitomen scribere me, obliuisci videar; Quatuor Ecclesiarum tributa, quas constituerat S. Bonifacius, postquam Boariam conuerterat, nempe Salzburgensis, Batauenfis, Ratisbonensis, & Frisingensis hoc loco filere non debeo. Adlecti in eas quatuor Sancti Martyris discipuli, gratitudinis symbola erga Sanctum Præceptorem, & Fuldensem Familiam spontè singuli hæc instituerunt. Obtulit Saltzburgensis Ecclesia in Oppido Halla domum,

& fontem salis, cùm adiectis vtenfiliis: & hinc annuè talenta duodecim exigebantur. Ratisbonensis quatuor Vineas, & quatuor regales *Manfos* instructos famulatio, & his quæ faciunt ad reliquam Ruris œconomiam. Singulis quoq; annis Fuldam transmittere Piscem immanem, nomine Hufen, debebat: & de oleo arborum, quantum equi duo in lagenis ferrent. Piscis ille, quem ex ossẽ plerique statuunt, illabi solet in Danubium, aliosq; amnes Ponti miscellaneos; & ab ALBERTO MAGNO, item Ecclesiæ huius Antistite, sic describitur, vt discedat longitudo eius in quatuor & videnos pedes, cum adoleuerit maximè. Præterea ossibus nullis (quod mirere in tanta mole) structura eius intextitur; carnis vero color, & sapor sturioni est multum ab similibus. Similia dona olei, & piscis tribuebat Ecclesia Batauenfis: & Frisingensis finitima Alpibus, atque altis montium Italiæ iugis, quotannis cascose prægrandes offerebat; itaq; harum Ecclesiarum quatuor Antistites primi, velut nobiles, & diuites filij Ecclesiæ Fuldensis, matrem charissimam alebant. Absoluam congerie confusâ prædiorum, quæ Regum, & Imperatorum CAROLOMANNI, PIPINI, CAROLI, LVDOVICI, LOTHARII, ARNVLPHI, OTTONIS, CONRADI, HENRICI Sancti, & aliorum Principum, Antistitum, & priuatorum hominum pia liberalitas Fuldensi Abbatia aggregauit. Sunt adhuc in Monasterij antiquis codicibus documenta, quæ ostendunt possedisse in Saxoniâ *Manforum* tria millia; totidem in Thuringiâ, & hinc vtroque decimas, è centum tredecim pagis, fuisse collectas; tria item millia *Manforū* in Prouinciâ Hefsonum, & VVetereibiurum; totidem in Prouinciâ Rheni, atque VVormatiæ; tria millia pariter in Prouinciâ Boiariâ, & Sueuiâ. Quæ si omnia simul accenseas, iudicabitur facillè, summam Fuldensis patrimonij in excelsum niti; & vix vllam Archiepiscopalem Sedem ei diuitijs, ac vestigalium magni-

mentis; sed experti etiam, vt fert alea belli, vtramque fortunam, & pro vicissitudine præliorum, honore exire coacti cum Regibus, qui exautorabantur, & quorum sequuti partes in bello fuerant. Numerum Bellatorum, quos in re florenti potuerint Abbates Fuldenſes alere stipendijs suis, definire absque errore arduum sit; nec affirmare audeam, aut negare, quod Iustus Lipsius, scriptor hac ætate maximus, perhibuit; nempe Abbatem huius Ecclesiæ præbuisse in hostem bellatorum sexaginta millia. Sed opes, honores, potentia in Abbatia Fuldenſi diu innocenter habita, incepte ambitus atque auaritiæ tabe infici miserè; & tum rei familiari decessit plurimùm, Religionisq̃ disciplina periit. Ambitiosis obsequijs frequentatæ Regum aulæ, venalesq̃ in Palatio insulæ, ac nundinæ dignitatum, quæ prostabant maiora offerentibus, Fuldenſi Monasterio, quemadmodum & plurimis Germaniæ, labem, & ruinam intulerunt. Sæpe Antistite seposito Abbatiam administrarunt ipsimet Reges; concessere eam non semel Archiepiscopis Moguntinis: interdum è Monachis præfecere, quem non Religio, sed Aula commendaret. Damno fuere etiam feliciora tempora, quando securitate nimia Præpositi, contenti prouentibus sponte datis non coactis, siuere per desidiam in plurima Monasterij prædia Laicos inuadere, & ea iniquè transmittere etiam ad posteros. Sic integra magna prædia, & fundos locupletes Dynastæ, Coloni partes agrorum vsurparunt; Pauperes quoque iugera siluarum sibi seponebant, repurgabant, subigebant aratro; & statim se agelli iam Dominos, gloriabantur. Adhibiti aliquando moderatores labenti rei, sed parùm secundo exitu; etenim conati sanare malum œconomiâ, & domesticâ parsimoniâ, nihil quicquâ profecere; quia hæc lenis medicina serò parabatur, & adustio aliqua vel ferrum saluti solum conducebat. Idcirco CONRADVS Rex Secundus, re-
 dux ex Ierosolymitana expeditione, Saracenis profligatis, cuncta

Cent. 3.

Miscell.

ep. 25.

cuncta in Abbatia Fuldensi exhausta, exinanitaq; reperiens, inopia eius ingemuit; & Abbatem deligi cupiens, qui subleuanda esset, Monasterij clauo Marquardum huius nominis primum, in quem suffragia Religiosi tulerant, altero Treuiris ab EVGENIO Papâ exautorato, præfecit, Romamque, vt inauguraretur, ad eundem EVGENIUM cum epistola regiâ, & duobus Episcopis Basillensi, & Constantiensi misit. Is ergo, Fuldâ vt reuertit, Regi CONRADO animi magnitudine haud planè impar, accepto auxiliari decreto, agros, fundos, prædia reuellere è manibus cuiusvis iniqui possessoris cœpit; quanquam fuit sæpè violenta res, stetitque multorum occisione recuperatio, adeo vt non nisi irrigati sanguine ad pristinos Dominos agri redirent. Castra dein Bibersteinium aduersus hostes, & inuasores; Haselsteinium aduersus conciliabula furum & prædonum, qui confuerant clanculùm ibi nidulari, extruxit magnificè; & Castrum etiam Bemmelsburgi mœnibus, vallo, propugnaculis muniuit; vt si ingruerent bella, eo confugeretur securitatis causâ, donec armorum vis, & tempestas detonaret. Quin imo totam Fuldensem Urbem muro circumduxit, valloque, & aggere muniuit; atque his artibus præsidijque Fuldensem aliquatenus restituit rem. Verùm cum frequentibus defungi casibus, & ruinis, quassari debuerit, vltimum damnum intulit ei seditio Rusticorum in Germaniâ, & hæresis superueniens, quæ Religionem loco detraxit; Religiosos vestem, Subditos officium exuere docuit; totamque polluit Patriæ ceteroque florentissimam nobilitatem. Exin Templorum, & Religionum sperni cultus (Monachis idcirco vsurpantibus Cleri togam, retecto scapulari) refringi claustra; leges censeri odiosæ res; dulcedine libertatis omnes inescari; demum prouentus ex Crucifixi patrimonio annuè congekti in luxuriæ triumphum duci. Dum verò, tantâ acceptâ lue, præcipiti lapsu, mores antiqui profluerent, paulatim eo ventum

ventum est, ut in Præposituris omnibus, demigratione facta, solitudo fuerit; cessarint perennia sacra, ritus, aræ; superfundente se eis Lutheranâ impietate: ad eò ut nos hodieque in earum aliquâ nihil præter minantium tectorum hiatus, computrescæque tigna inuenerimus: & in vnam earum dumtaxat Monachi restituti sunt. Item in Monasterio primario redacta res ad Decanum, Præpositos quinque, & Monachos reliquos (ambigo, an exaggerem) non plures. Lutheri quippe ventus vrens, effecit suo afflatu venefico, ut in horto Benedicti tam specioso tot centeni flores, & stirpes virtutis omnigenæ feraces, ita subito exarescerent, perirent. Atque erigendæ huic iacenti, prostratæque Reipublicæ Religiosorum, in quam incumbens charitate magnâ Ioannes BERNARDVS Abbas, & connitens Cohors præstantiû Sodalium è Sancti Galli inter Heluetios præclarè insudabant, PETRVS ALOYSIVS CARAFÆ Episcopus Tricaricensis, perquam opportunè adfuit, Apostolicus Adiutor. Qui diem vnum, à promulgatione decretorum, dedit controuersijs, si quæ superessent, cognoscendis, dirimendisque; & tunc ei cum Principis liberalitate fuit diù certandum. Etenim is, indignum ratus sine donarijs ab se Legatum dimittere, parauerat, quæ illi, & familiæ in obitu offerret. Quam Legatus rem odoratus, SILVESTRO PETRA SANCTA Presbytero Societatis IESV, qui ei est à Confessionibus, vsum est; ut P. OSWALDVM HEGWEIN Presbyterum eiusdem Societatis seriò hortaretur, adiret Principem, & quandoquidem conscientiam eius regit, Legati nomine dona illa deprecaretur; ut pote quæ Sacri Canones, & ipse quoque Visitationem inchoaturus, impresâ edictione vetuerât. Sed ille à Principe retulit; ipsum venerari Sacrorum Canonum, & Legati leges; nec opinari, se aduersùs eas quicquam agere; clausam iam Visitationem esse, & absoluta omnia; nihil corruptelæ metui posse; imò quæ offeruntur, non dari pro-

pro-

fit, & intus de eo nuntianti Legatus mandauit, hæc referret. Visitanti Præsuli dona interdici, & metu censurarum & obligatione restituendi duplum. Esse proinde cur ipse donum necessariò respueret: tum quia censuras formidaret; tum quia peregrè ageret in alieno solo, vbi non vtique sibi ad restituendum suppeteret dulcium eiusmodi liborum & cupediarum duplex modus, qui ex pœnâ restitueretur; atque ita suauiter munus, quod nequidem aspexerat, remisit. Duos præcipuos ex Familiâ Legati, Io. BAPTISTAM DE NINIS, & ANTONIUM ABUNDANTIUM à secretis, nolissent saltè ipsos grati animi significatione vacuos redire, vt eos, qui Legato propiores munere & labore fuerât: sed hi quoq; proximâ Heri laudem æmulabantur, cuius rei dedere specimē tentati sæpius nomine Principis. ABUNDANTIUS etiam accersitus ad Præpositi vnus domum, pridic quàm abiret; ad limen ipsum interrogauit; ecquid se Præpositus vellet? audit *memoriale* offerri debere; responsio facilis hominis ingenio fuit. Si scriptum illud est, inquit, accipiam vtique; secus abnuo respuoque, si ære factum aut fustum: & erat argenteus scyphus elaboratus affabrè, atque auro litus; qui Aedes eâ vice veteris Domini non mutauit. Hoc superato, vel saltem (quod postea comperimus) per quasdam inducias dilato hinc liberalitatis, hinc modestiæ certamine, IV. Non. Augusti, cùm parata essent profectio ni omnia, adsuere Illustrissimo Legato Decanus, & Præpositi, vt abeunti valedicerent, præfati à gratiarum actione, ob susceptum onus Visitandi. Et tum eos Legatus allaudauit; quòd ita obsequioso aduersum se, & Sanctam Sedem animo fuissent; in quo satis expresserant fidem & nobilitatem suam. Commendauit deinde impensè, vt factis & moribus affirmarent decreta Visitationis, in quæ laudabiliter voce, promissionibusque consenserant; & vt Abbati præstò essent, præberentque auxiliatricem manum; pro disciplina

plina Monasterij erigenda, enixè rogauit. Post hæc inter cōfertam multitudinem Nobilium & Religiosorum adeuntium, vt exoscularentur manum, & vt nixi genibus Apostolicam benedictionem poscerent venerabundi, quibus Rosaria & numismata cum indulgentijs piacularibus à Legato distribuebantur, descendit cum Principe ad Rhedas viatorias quatuor, singulas equorum sex, si quadrigam vnam excipias, quæ traditæ à Principe, vt nos Aschaffenburgum vsquè deducerent; ibi enim Illustrissimus Elector Moguntinus Legatum opperiebatur, sicut eum non Seligenstadij modò, sed Fuldæ quoque humanissimè per expressos Nuncios geminos inuitarat. Præcessit Rhedam Nobilium equitatus, eratque à vestibulo Arcis diffusa in plateam numerosa Militum armatorum cohors, quæ egressui nostro adhæresceret, & honoris causâ comitaretur. Stetere omnes cum adpositis ad furcinulas bombardis, donec ad hastatos ventum est, & tum ordinato agmine mota est cohors, vt per Urbem Rhedarum vtrumque latus honoris causâ tegeret. Ante primum autem vehiculum, in quo Legatus ac Princeps erant, pulchrum spectaculum fuit, quoties ad aream aliquam Ciuitatis, aut laxiorem plateam perueniebatur; vexillifero, inter citatissimos timpanistarum sonos, agitante & obuolvente in gyrum vndantia signa, dum intereà constanter cum agmine toto graderetur. Sic Urbem egressi ad Neouij Arcem venimus, vbi prandio lautissimo excepti, liberaliter, vt in digressu, nobis inuicem non tamen vltimò propinauimus; quia Princeps cum Aula tota Legatum comitari voluit vsque ad postremos limites Patriæ Fuldensis, vt contineret se tantum intra fines eius, visus in hoc interim egredi propè fines humanitatis. Hic dùm ex Rhedâ, ex equis descendimus, atque in complexus mutuos salutationesque promiscuè ruimus, confluere è medijs agris plurimi cum scyphis, cum lagenis, & largè merum infundere; quo Princeps primum

PETRI ALOYSII CARAFÆ. 31

mum Legato, dein ordine cæteris, & hi vicissim alijs simul propinant, simul prosperum iter, & incolumitatem vouent, atque ominantur, vino commodissimè, quia symbolum est aperti animi, studium amoremque pectoris interpretante. Hoc pacto postquam amicissimè multa Legatus ac Princeps iterauerant; manibus comprehensis, vt mos Germaniæ fert, discersere ambo, Nobilibus vtrinque salutatis. Nobis verò instar gratissimi solatij fuit in viâ commemorare laudes, tam Religiosi Antistitis, atque humani Principis, qui inter Abbates Fuldenses ordine sexagesimus nonus, nulli postremus est, si mores sanctimoniamque conferas, & virtutem virtutibus committas; adeò pietate, ac modestiâ excellit, & excelso nihilominus atque intrepido in ijs animo, quæ communem Religionem promoucant, aut priuatam Ordinis S. Benedicti disciplinam augere possint: Cuius vtique si forma deesset, illam ipse, sicut & optimi Principis, substitueret oculis; nec aliter, quàm propositâ imagine moris sui. Eo die (vt iter nostrum, & quæ cõtigere in reditu, paucis expediam) is qui à Confessionibus est Illustrissimo Legato, sub vesperam egressus ex Rheda eius spontè adequitabat, & quidem longiusculè, vt asperioris viæ conditio ferebat, cùm se illi ex alterius viæ latere adiunxere comites duo, ambo Caluini-
ni, sed alter professione Medicus, alter Miles, dum verò ille humanè admodum colloqueretur; Miles blaterabat nescio quæ indignabundus, ac fremens, quod cum Papiſta, & Iesuita confabularetur. Erat verò tam clarè ebrius, vt capite nunquam satis firmo, dextrorsum, sinistrorsum vndique ruinam ex ephippio minaretur; demum eò furoris agi cœptus est illa duplici vini, & Caluini ebrietate, vt apprehenderit vnam è bombardulis pendulis ante nodum ephippij explosurus in hominem Societatis, qui rectâ ipsum anteibat. Fortè is, in descensu viæ decliuis, verterat se metu; ne equus illius, vt erat, sessore ebrio expers prouidentie, in equum

proprium ingrueret; & armatam hominis manum vidit, quæ res effecit vt ille detectus in theca bombardulam locarit: Quare, tametsi non planè gnarus periculi sui, veſtatione lentâ ad Rhedas retulit ſe: & interim duo Milites Principis Fuldenſis, qui cum Tubicine Equites præibant, re intellectâ, hominem aggredi, & confodere; vel certè deſpoliare armis, & equo voluere: feciſſentque niſi Medicus excuſatâ ebrietate iuſtam illam vltionem fuiſſet deprecatus. Milites illos nihilominus clementiæ poenituit, & veriti Principem, ſi ea reſciret: petiuere veniam, quoniam haud vtique hominem defendiſſent. Nemo tamen minùs ſe hoc pacto deſenſum voluiſſet, quàm qui diſcrimen adierat, vt qui nè quidem ſenſum diſcriminis, propter ignoratas iniurias quas Germanicè tùm euomuit, præſeſerebat, & ſolummodo reſbatur triumphum manibus impiorum ex odio religionis mori. Nocte tractati in hoſpitio ab antemiſſis Famulis Principis Fuldenſis, & meridie in Oppido Gelhauſen, multò ante primas tenebras, ex Arce Aſchaffemburgi in Rhedâ Electoris, qui ex podagra non optimè valebat, obuios habuimus P. Io: Reinardum Ziglerum & Nobiles aliquot ex Aula; inque Arcem intrâ ſpatium horarium ingreſſi ſumus. Legatum excepit Illuſtriſſimus Elector ſummâ humanitate, ex quâ morbi incommoda, lectulo deſcedens, aut diſſimulauit, aut ſuperauit. Tametsi à Legato ſæpius rogaretur, vt parciùs officia uſurparet, & valetudini propriæ pluſculum indulgeret, quæ vtiquè non priuata videri deberet, cùm totius Imperij valetudinem tangat. Cœnam & prandium altero die in Aula Princeps Elector, vltimam verò cœnam in Collegio Societatis IES V Legato apparauit, & vtrobiq; Conuiuia interfuit. Rhedæ Fuldam remiſſæ ſunt, & quod ſpatium negotijs quibuſdam cum Illuſtriſſimo Electore tractandis ſuperſuit eo die, datum eſt inſpectioni Arcis magnificentiſſimæ, quæ ex ſecto lapide, qua-

quadrata, & in angulis quatuor turrata, cum fossa vndique,
 quam alluunt vberes aquæ, meritò admirationi est structu-
 rā, & magnitudine suā. Sed intus etiam eius latet admira-
 tio, nec in summis modò partibus Aedium, aut medijs, sed
 in imis, & subterraneis, vbi cauea ingens, concamerata, in
 quadrum excurrit vastis vini dolijs plena, quæ tamen sin-
 gulis annis implentur, & quod mireris exhauriuntur. Mi-
 nora vasa, quæ scisquidolium Italicum singula censerì pos-
 sunt, numerare noluimus, veriti ne multitudine nimia fati-
 garemur. Itaque tantum enumerauimus ea, quæ post hæc
 minima, maiora & maxima nobis visa sunt. Illa erant qua-
 draginta quinque, & continent singula dolium Italicum no-
 uies, hæc verò sexaginta duo; singulaque capiunt idem I-
 talicum dolium duodeuigesies. Et sanè in vase tantæ laxi-
 tatis Cynicus ille Philosophus domus doliaris habitator po-
 tuisset non ipse modò haberi commodè, sed Cynicos alios,
 imò Alexandrum etiam, cui hic vnus orbis suffecisset, hospi-
 tes excipere. Mutuis obsequijs valedixere sibi Legatus &
 Elector; à quo naui prandio instructa dimissi Mæno secun-
 do descendimus Francofurtum, donati honorario vino Se-
 ligenstadij ab Abbate, qui admonitu tubicinis aduentum
 Legati cognouerat, & ad ripam obuius illi fuerat. Franco-
 furti familiā relicta in Cœnobio Carmelitarum, vt pro cœ-
 nā rem cibariam interim curaret, Legatus nigro Cleri habi-
 tu, & is qui ei à Confessionibus, accito viarum Duce, Vr-
 bem lustrauit Ciuium frequentia, & mercimonijs claram:
 duo ex famulis iusto interuallo anteibant, & duo seque-
 bantur; ne agnitus per plateas iret. Contulit verò se ad
 domum equestris Ordinis Theutonici, vbi Patres Capucci-
 ni amicū hospitium habent, dum à Senatu hæretico expe-
 ctatur consensus FERDINANDI Cæsaris litteris, qui eos
 in Ciuitatem admitti pro potestate mandat: & ibi rem sa-
 tis disponi gauisus est, pro qua etiam ipse commendatitias

ad Cæsarem dederat. Huc usque comitati fuerant nos ex Aulâ Principis Fuldenfis aliqui, & dum ferè apertas vlnas ad vltimos complexus haberemus, oblectandum iterum infidianti blandè eorum liberalitati fuit. Torques aureos, & appendicis loco numismata magna item aurea, in quibus imago Principis formata nitebat, (in Germaniâ Nummi gratiæ vocantur,) præterea gemmatos annulos attulerant; vt familiæ toti distribuerentur. Persuasio erat fore, vt extra solum Fuldense iam, absque noxæ religionē, ea possent capi. Sed mutata quidem fuerat regio, manserat tamen eadem religio; & vrgebat Illustrissimi Legati præceptum; idcirco haud auræ catenæ illæ quempiam ligarunt. Itaque datis iucundissimis amplexibus mutuò, soluimus Francosurto Moguntiam naui conductâ: nostra enim naus quia moles maior erat, quàm quæ posset in Mœnum leiunum tunc ab aquis vberioribus, illabi; Rheno ad Moguntia portum incubabat. Hic Legatus ad Collegium Societatis, vti aliàs, expectatus diuerterat, eique in cœna Decanus maior Ecclesiæ Cathedralis, & alius Canonicus assédere iucundâ, & comi hilaritate. Posteriâ etiam die Legatum is ad nauim deduxit; & è Capituli Telonio, quod est in littore Bingæ aduerso, vinum honorarium offerri mandauit, explosis tormentis, dum præternauigaret. Ventus tam erat eo die infestus, & reluctans secundis Rheni fluctibus, vt horas sex naui nos hæ-
rere, partim in anchoris, partim ad littus oportuerit; nec alijs diebus aura magnoperè fauit. Apud Confluentes Rheni & Mosellæ, Legatus exscendere voluit; & ad Collegium Societatis improvisò adueniens, vetuit ne quid pararetur, cum maturaret progredi, vt appelleret certò sequenti die Coloniam Agrippinensem; & cum venisset tantum, vt Illustrissimum Electorem Treuirenssem breuissimè alloqueretur. Mittit proinde ad Aulam eius Auditorem, qui spatium sermoni peteret; & Elector Legatum tam aduenisse tacitè
demirans

demirans Collegio statim adfuit, atque ad Aedes proprias
 eum aduexit. Dum negotia hic expediuntur; vnum expe-
 diri egre & vix poterat, nimirū vt eā, quę supererat, particulā
 diei abiretur; cū ipso illo momento plueret, & nox atra,
 vtpote illunis, instaret. Attamen, in deliberatā re, Elector
 nihil impetrauit, & Legatum ad nauim vsque comitatus est;
 cui Nobilem vnum ex Aula, cum cœna etiam adiunxit, &
 hospitium, propē ad leucam vnā in Arce proxima nobis
 destinauit: adeo in repentino aduentu & exitu Legati Pon-
 tificij Princeps ille abundauit significatione honoris, atque
 prouidentię. Coloniam ergo peruenimus, excepti in Cœ-
 nobio Ordinis S. Dominici, & procuratis ibi, quę ad rem
 cibariam, ne optimis Religiosis aduentus noster oneri foret.
 Cetera disposuerat R. P. Thomas SERGRIFIVS Italus, Sac-
 crę Theologię in Academia Colonienſi Professor, & inge-
 nio peracq̃, ac natali solo florentissimus. Illustrissimus
 Princeps & Episcopus Verdunensis FRANCISCVS A LO-
 THARINGIA, & Colonia Decanus Maior, fieri voti com-
 pos voluit; quo præoptabat, aliquando in mensa domi suę
 Illustrissimum Legatum excipere, tractauitque prælātē;
 cuius Rheda is ex ea Vrbe excessit alterā die; & indidem e-
 quis Leodium triduō vecti sumus; cū propē Coloniam,
 ad horas itineris circiter duas, Abbas Brauuiillacensis Ordini
 Sancti Benedicti occurrisset Legato in via regia, iuxta
 proprium Cœnobium, vt prandium, ad quod ipsum inui-
 tauerat, offerret, si min⁹ in mensa, saltem in vlnis famulo-
 rum. Sedenim egit gratias Legatus, vt qui paulō antē à men-
 sâ ad equos properauerat iturus tempestiuē Iuliacum; & nos
 hauſtu contenti, qui in Germaniā nescit repulsam, ambu-
 lanti epulo permissus, vt ad triclinium, cibis illibatis, sicuti
 venerat, rediret. Leodij sospites, gratulationibus Ami-
 corum vix aures atque animos dederamus, cū Illustrissi-
 mo Legato Medici auctores fuere Spadam iret ad salubres

eas aquas, Iuimus; vidimus; bibimus, & vini quidquid in Germaniâ potaueramus, ibi aquarum medicatarum hauſtu vel eluimus, vel temperauimus. Locus eſt iuxta Leodium ſalubrium perennitate fontium celeberrimus; quorum ſcaturigines in Oppidi valle, in montibus frequentantur, & in eis plurimi bibunt ſalutem. Hic à negotijs feriari animus debet, & otia ducere; ſeu in colle lûbeat; ſeu nemus placeat, ſeu magis arrideant prata; quæ ſi vmbra optas, inuenies omnium horarum. Hic ambulare in gramine, iocoſe conſabulari; imprimis verò bacillis ludere; quibus inniti, ſerè Spadana lex videtur. Bacillos eos ſabri ferro infernè cuſpidant; poniturque duplex meta, ad quam ita illi iaciuntur, vt ſtare debeant humi deſixi. Iactus melior baculi eſt, qui ſteterit metæ propior; & in id aliqui dexterrimè abſque errore collineant. Sic motu illò faciliùs aquæ perfluunt. Harum verò deſiderio vt egerantur ſecedere à ludo, Spadæ cunctis decenter licet. Appetitus domum refertur, qui ſi non prodeſſent aquæ, ſanum hominem ſolus redderet: ſiue aëris clementis ſit ea vis; ſiue ita ferat ingenium aquæ. Hic Fuldâ litteras à Reuerendiſſimo Antiſtite Legatus accepit, in quibus nunciabatur incēpiſſe felicem Reformationem, & ſolemni ritu admiſſos Tyrones; alioſque plures, etiam Nobiles, ad id certatim adſpirare. Quin & ei, qui à Confeſſionibus eſt Illuſtriſſimo Legato, ſcripta elogia ſunt, de illo & de familiâ; quæ hic interſeram vt mihi & ſocijs meis ſint dulce quoddam inuitamenti genus ad cuiusmodi laudes mendas potiùs, quàm optandas. Pater Lambertus Strauius Rector Collegij Societatis Ieſu hæc in litteris datis 27. Auguſti habet poſt multa; *Vinat Illuſtriſſimus Dominus CARAFA, & Familia eius ſancta. Si pridem tales Germania noſtra diuini honoris & Pontificij nominis aſſertores habuiſſet; non iam cum tot vndique obſtaculis promouenda fidei, ac bonorum morum colluctaremur.* Ad hæc P. Iacobus Liebfſt Sacerdos eiufdem Societatis,

tatis, ac Regens Seminarij Pontificij; *Vsurpatur*, inquit, *vbique de Illustrissimo Legato elogium hoc; Collaudabunt multi sapientiam eius; admirabuntur omnes abstinentiam eius, totiusq; Familiae. Præstat hanc famam retulisse, quàm aurum.*

Hæc de itinere Fuldensi, vt Amanuensi labor adimatur, non vt edantur publice, impressa sunt; Amicis enim petentibus transmittenda erant. Data sunt Typis, dum erant adhuc atramento madida. Ne multis; temerè in paginam coniecta sunt, magis vt scriptura fluebat, quàm vt Scriptori lubebat.

FINIS.

ERRATA.

Pag. 8. lin. 12. *inuocatis*, lege *innotatis*. Pag. 14. l. 5. *referrent*, l. *referret*. Pag. 41. l. 26. *sacratos*, l. *sacratas*. Pag. 55. l. vlt. in itinere, l. in timore. Pag. 57. l. 10. *iustrui*, l. *instrui*. Pag. 65. l. 23. *Cacoli*, l. *Caroli*. Pag. 66. l. penult. *Procere*, l. *Proceres*. Pag. 75. l. 22. *obitu*, l. *abitu*.

M

APPRO-

APPROBATIO.

ITER FVLDFENSE *Illustrissimi*
ac Reuerendissimi Episcopi, ac Principis
PETRI ALOYSII CARAFÆ,
Nuncij Apostolici cū potestate Legati La-
teralis, operâ & studio CAELII SER-
VILII delineatum, quòd non pauca sa-
lutaria complectatur documenta ac moni-
ta, prælo dignissimum iudico. Datum
Kal. Octobris 1627.

IOANNES A CHOKIER
Canonicus ac Vicarius
Leodiensis.